

ନତୀର ମୁଞ୍ଚା

ଶ୍ରୀରାମଚନ୍ଦ୍ରନାଥ ଶାସ୍ତ୍ରୀ




ବିଷୟମାଳା-ଗ୍ରନ୍ଥାଳୟ
୨୧୭, କର୍ମଗୋଷ୍ଠୀ ଶ୍ରୀ, କଲିକତା

বিশ্বভারতী-গ্রন্থালয়
২১৭, কর্ণওয়ালিস্ স্ট্রীট, কলিকাতা।
প্রকাশক—শ্রীজগদানন্দ রায়

প্রথম সংস্করণ ১৩৩৩ সাল

মূল্য ৥০  আনা

শান্তিনিকেতন প্রেস, বীরভূম
শ্রীজগদানন্দ রায় কর্তৃক মুদ্রিত



নাট্টোল্লিখিত পাত্রীগণ

লোকেশ্বরী	...	...	রাজমহিষী (মহারাজ বিদ্বিসারের পত্নী)
মল্লিকা	...	...	মহারাজী লোকেশ্বরীর সহচরী
বাসবী	...	...	} রাজকুমারীগণ
নন্দা	...	...	
রত্নাবলী	...	...	
অঞ্জিতা	...	...	
ভদ্রা	...	...	
উৎপলপর্ণা	...	...	বোধ ভিক্ষুণী
শ্রীমতী	...	...	বোধধর্মরতা নটী
মালতী	...	...	বোধধর্মশ্রীরাগিনী পল্লীবাসী
			(শ্রীমতীর সহচরী)
রাজকিররী ও রক্ষিনীগণ			

নভীর পূজা

প্রথম অঙ্ক

মগধ প্রাসাদ ; কুজবনে

মহারাজী লোকেশ্বরী, ভিক্ষুণী, উৎপলপর্ণা ।

লোকেশ্বরী

মহারাজ বিম্বিসার আজ আমাকে স্মরণ করেচেন ?

ভিক্ষুণী

হাঁ ।

লোকেশ্বরী

আজ তাঁর অশোক-চৈত্রে পূজা-আয়োজনের দিন—সেই
জন্মেই বুঝি ?

ভিক্ষুণী

আজ বসন্ত পূর্ণিমা ।

লোকেশ্বরী

পূজা ? কার পূজা ?

ভিক্ষুণী

আজ ভগবান্ বুদ্ধের জন্মোৎসব—তাঁর উদ্দেশে পূজা ।

লোকেশ্বরী

আর্য্যপুত্রকে বোলো গিয়ে আমার সব পূজা নিঃশেষে

চুকিয়ে দিয়েচি। কেউ বা ফুল দেয় দীপ দেয়—আমি
আমার সংসার শূন্য করে দিয়েছি।

ভিক্ষুণী

কী বলচ মহারানী ?

লোকেশ্বরী

আমার একমাত্র ছেলে, চিত্র—রাজপুত্র আমার,—তাকে
ভুলিয়ে নিয়ে গেল ভিক্ষু কবে। তবু বলে পূজা দাও ! লতাব
মূল কেটে দিলে তবু চায় ফুলেব মঞ্জরী !

ভিক্ষুণী

যাকে দিয়েছ তাকে হারাওনি। কোলে যাকে পেয়ে-
ছিলে আজ বিখে তাকেই পেয়েছ।

লোকেশ্বরী

নারী, তোমার ছেলে আছে ?

ভিক্ষুণী

না।

লোকেশ্বরী

কোনোদিন ছিল ?

ভিক্ষুণী

না। আমি প্রথম বয়সেই বিধবা।

লোকেশ্বরী

তা হলে চুপ করো। যে-কথা জানোনা সে-কথা
বোলোনা।

ভিক্ষুণী

মহারানী, সত্যধর্মকে তুমিই ত রাজাস্তপুরে সকলের
প্রথমে আহ্বান করে এনেছিলে? তবে কেন আজ—

লোকেশ্বরী

আশ্চর্য্য—মনে আছে তো দেখি! ভেবেছিলেম সে
কথা বুঝি তোমাদের গুরু ভুলে গিয়েছেন। ভিক্ষু ধর্মরূচিকে
ডাকিয়ে প্রতিদিন কল্যাণ পঞ্চবিংশতিকা পাঠ করিয়ে তবে জল
গ্রহণ করেছি, একশো ভিক্ষুকে অন্ন দিয়ে তবে ভাঙ্ত আমার
উপবাস, প্রতি বৎসর বর্ষার শেষে সমস্ত সজ্জকে ত্রিচীবর বস্ত্র
দেওয়া ছিল আমার ব্রত। বুদ্ধের ধর্মবৈরি দেবদত্তের উপ-
দেশে যেদিন এখানে সকলেরই মন টলোমলো, একা আমি
অবিচলিত নিষ্ঠায় ভগবান তথাগতকে এই উদ্ভানের অশোক
তলায় বসিয়ে সকলকে ধর্মতত্ত্ব শুনিয়েছি। নিষ্ঠুর, অকৃতজ্ঞ,
শেষে এই পুরস্কার আমারই! যে মহিষীরা বিদ্ববে জলে-
ছিল, আমার অন্নে বিষ মিশিয়েচে যারা, তাদের তো কিছুই
হ'লো না, তাদের ছেলেরা তো রাজভোগে আছে।

ভিক্ষুণী

সংসারের মূল্যে ধর্মের মূল্য নয় মহারানী। সোনার
দাম আর আলোব দাম কি এক?

লোকেশ্বরী

যেদিন দেবদত্তের কাছে আত্মসমর্পণ করেছিলেন কুমার
অজাতশত্রু, আমি নির্বোধ সেদিন হেসেছিলেম। ভেদে-
ছিলেম ভাঙা ভেলায় এরা সমুদ্রপার হতে চায়।

দেবদত্তের শক্তির জোরে পিতা থাকতেই রাজা হবেন
এই ছিল তাঁর আশা। আমি নির্ভয়ে সগর্বে বল্লেম
দেবদত্তের চেয়েও যে-গুরু পুণ্যের জোর বেশি তাঁর প্রসাদে
অমঙ্গল কেটে যাবে। এত বিশ্বাস ছিল আমাব। ভগবান
বুদ্ধকে—শাক্যসিংহকে—আনিয়ে তাঁকে দিয়ে আর্য্যপুত্রকে
আশীর্ব্বাদ করালেম। তবু জয় হ'লো কাব ?

ভিক্ষুণী

তোমারই। সেই জয়কে অন্তর থেকে বাইরে ফিরিয়ে
দিয়োনা।

লোকেশ্বরী

আমারই !

ভিক্ষুণী

নয় ত কী। পুত্রের রাজ্যলোভ দেখে মহারাজ বিম্বিসার
শ্বেচ্ছায় যেদিন সিংহাসন ছেড়ে দিতে পারলেন সেদিন তিনি
যে-রাজ্য জয় করেছিলেন—

লোকেশ্বরী

সে রাজ্য মুখের কথা, ক্ষত্রিয় রাজার পক্ষে সে বিদ্রূপ।
আর আমার দিকে তাকাও দেখি ! আমি আজ স্বামীসত্ত্বে
বিধবা, পুত্রসত্ত্বে পুত্রহীনা, [প্রাসাদের মাঝখানে থেকেও
নির্ব্বাসিতা। এটাতো মুখের কথা নয় ! যারা তোমাদের ধর্ম্ম
কোনোদিন মানে নিঃ তারা আজ আমাকে দেখে অবজ্রায়
হেসে চলে যাচ্ছে। তোমরা যাকে বলো শ্রীবজ্রসত্ত্ব, আজ
কোথায় তিনি—পড়ুক না তাঁর বজ্র এদের মাথায়।

ভিক্ষুণী

মহারানী এর মধ্যে সত্য আছে কোথায়! এতো ক্ষণ-
কালের স্বপ্ন—যাক্ না ওরা হেসে।

লোকেশ্বরী

স্বপ্ন বটে! তা এই স্বপ্নটা আমি চাইনে। আমি চাই
অন্য স্বপ্নটা, যা'কে বলে বিভূ, যা'কে বলে পুত্র, যা'কে বলে
মান। সেই স্বপ্নে বিকশিত হয়ে ঐ দিকে যারা মাথা উচু
ক'রে বেড়াচ্ছেন, বলোনা তাঁদের গিয়ে। পূজো দিন্ না তাঁরা!

ভিক্ষুণী

যাই তবে।

লোকেশ্বরী

যাও, কিন্তু আমার মতো নিকোঁধ নয় ওরা। ওদের
কিছুই হারাবে না, সবই থাকবে,—ওরাতো বুদ্ধকে মানে নি,
শাক্যসিংহের দয়া তো ওদের উপর পড়ে নি, তাই বেঁচে
গেল, বেঁচে গেল ওরা। অমন স্তব্ব হয়ে দাঁড়িয়ে আছ
কেন? ধৈর্য্যের ভাণ করতে শিখেচ?

ভিক্ষুণী

কেমন ক'রে বলব? এখনো ভিতরে ভিতরে ধৈর্য্য ভঙ্গ
হয়।

লোকেশ্বরী

ধৈর্য্য ভঙ্গ হয় তবু মনে মনে কেবল আমাদের ক্ষমাই
করচ। তোমাদের এই নীবব স্পর্দ্ধা অসহ! যাও!

ভিক্ষুণীর প্রস্থানোচ্চম

লোকেশ্বরী

শোনো শোনো, ভিক্ষুণী। চিত্র কী-একটা নতুন নাম
নিয়েছে। জানো তুমি ?

ভিক্ষুণী

জানি, কুশলশীল।

লোকেশ্বরী

যে-নামে তাব মা তাকে ডেকেচে সেটা আজ তাব কাছে
অশুচি। তাই ফেলে দিয়ে চলে গেল !

ভিক্ষুণী

মহাবাগী যদি ইচ্ছা বরো তাঁকে একদিন তোমাব কাছে
অনুতে পাবি।

লোকেশ্বরী

আমি ইচ্ছা করতে যাব কোন্ লজ্জায় ! আব আজ তুমি
অনুবে তাকে আমার কাছে, যে প্রথম এনেচে তাকে এই
পৃথিবীতে !

ভিক্ষুণী

তবে আদেশ কবো আমি যাই।

লোকেশ্বরী

একটু থামো। তোমাব সঙ্গে তার দেখা হয় ?

ভিক্ষুণী

হয়।

লোকেশ্বরী

আচ্ছা, একবার না হয় তাকে—যদি সে—না, থাক্।

ভিক্ষুণী

আমি তাঁকে বলব। হয়ত তাঁর সঙ্গে তোমার দেখা হবে।

(প্রস্থান)

লোকেশ্বরী

হয়তো, হয়তো, হয়তো ! নাড়ীর রক্ত দিয়ে তাকে তো পালন করেছিলাম, তার মধ্যে “হয়তো” ছিল না। এত দিনেব সেই মাতৃস্বর্ণের দাবী আজ এই একটুখানি হয়তো-য় এসে ঠেকল ! এ’কেই বলে ধর্ম ! মল্লিকা !

মল্লিকার প্রবেশ

মল্লিকা

দেবী।

লোকেশ্বরী

কুমার অজাতশত্রুর সংবাদ পেলে ?

মল্লিকা

পেয়েছি। দেবদত্তকে আনতে গেছেন। এরা জোত্রিত পূজার কিছুই বাকি থাকবে না।

লোকেশ্বরী

ভীক ! রাজার সাহস নেই রাজত্ব করতে ! বুদ্ধ ধর্মের কত যে শক্তি তার প্রমাণ তো আমার উপর দিয়ে হয়ে গেছে। তবু ঐ অপদার্থ দেবদত্তের আড়ালে না দাঁড়িয়ে এই মিথ্যাকে উপেক্ষা করতে ভবসা হ’ল না !

মল্লিকা

মহারাগী, যাদের অনেক আছে তাদেরই অনেক আশঙ্কা।
উনি রাজ্যেশ্বর, তাই ভয়ে ভয়ে সকল শক্তির সঙ্গেই সন্ধিব
চেষ্ঠা। বুদ্ধশিষ্যের সমাদর যখন বেশি হয়ে যায় অমনি
উনি দেবদত্ত-শিষ্যদের ডেকে এনে তাদের আরো বেশী সমা-
দর করেন। ভাগ্যকে দুই দিক থেকেই নিরাপদ করতে
চান।

লোকেশ্বরী

আমার ভাগ্য একেবারে নিরাপদ। আমার কিছুই নেই,
তাই মিথ্যাকে সহায় করবার দুর্বলবুদ্ধি ঘুচে গেছে।

মল্লিকা

দেবী, ভিক্ষুণী উৎপলপর্ণার মতোই তোমার এ কথা।
তিনি বলেন, লোকেশ্বরী মহারাগীর ভাগ্য ভালো, মিথ্যা যে-
সব খোঁটায় মানুষকে বাঁধে ভগবান মহাবোধিব কৃপায় সেই
সব খোঁটাই তাঁর ভেঙে গেছে।

লোকেশ্বরী

দেখো ঐ সব বানানো কথা শুনে আমার রাগ ধরে।
তোমাদের অতি নিশ্চল ফাঁকা সত্য নিয়ে তোমরা থাকো,
আমার ঐ মাটিতে-মাথা খুঁটি ক'টা আমাকে ফিরিয়ে দাও।
তা হলে আবার না হয় অশোক চৈত্রে দীপ জালব, একশো
শ্রমণকে অন্ন দেব, ওদের যত মন্ত্র আছে সব একধার
থেকে আবৃত্তি করিয়ে যাব। আর তা যদি না হয় ত
আমুন দেবদত্ত, তা তিনি সাঁচ্চাই হোন আর বুটোই

হোন ! যাই, একবার প্রাসাদ শিখরে গিয়ে দেখিগে এঁরা
কতদূরে !

(উভয়ের প্রস্থান)

বীণা হস্তে শ্রীমতীর প্রবেশ—

লতাবিতানতলে আসন বিছাইয়া—দূরে চাহিয়া—

শ্রীমতী

সময় হোলো, এসো তোমরা ।

(আপন মনে গান)

নিশীথে কী কয়ে গেল মনে,

কী জানি কী জানি ।

সে কি ঘুমে সে কি জাগরণে,

কী জানি কী জানি ।

(মালতীর প্রবেশ)

মালতী

তুমি শ্রীমতী ?

শ্রীমতী

হাঁ গো, কেন বলো তো ।

মালতী

প্রতিহারী পাঠিয়ে দিলে তোমার কাছে গান শিখতে ।

শ্রীমতী

প্রাসাদে তোমাকে তো পূর্বে কখনো দেখি নি ।

মালতী

নতুন এসেছি গ্রাম থেকে, আমার নাম মালতী ।

শ্রীমতী

কেন এলে বাছা ? সেখানে কি দিন কাটছিল না ?
ছিলে পূজার ফুল, দেবতা ছিলেন খুসি ; হবে ভোগের মালা,
উপদেবতা হাসবে। ব্যর্থ হবে তোমার বসন্ত। গান শিখতে
এসেচ ? এইটুকু তোমার আশা ?

মালতী

সত্যি বলব ? তাব চেয়ে অনেক বড়ো আশা। বলতে
সঙ্কোচ হয়।

শ্রীমতী

ও, বুঝেছি। রাজরাণী হবার ছুরাশা। পূর্বজন্মে যদি
অনেক দুষ্কৃতি ক'বে থাকো তো হতেও পাবে। বনের পার্থী
মোনাব খাঁচা দেখে লোভ কবে, যখন তাব ডানায় চাপে
ছুষ্টবুদ্ধি। যাও, যাও, ফিবে যাও, এখনো সময় আছে।

মালতী

কী তুমি বলচ, দিদি, ভালো বুঝতে পারচিনে।

শ্রীমতী

আমি বলচি— (গান)

বাঁধন কেন ভূষণ বেশে তোবে ভোলায়

হায় অভাগী !

মরণ কেন মোহন হেসে তোবে দোলায়,

হায় অভাগী !

মালতী

তুমি আমাকে কিছুই বোঝোনি। তবে স্পষ্ট ক'বে

বলি। শুনেচি একদিন ভগবান বুদ্ধ বসেছিলেন এই আরাম-বনে অশোকতলায়। মহারাজ বিশ্বিসার সেইখানে না কি বেদী গড়ে দিয়েচেন।

শ্রীমতী

হাঁ, সত্য।

মাগতী

রাজবাড়ির মেয়েরা সন্ধ্যাবেলায় সেখানে পূজা দেন।—
আমার যদি সে অধিকার না থাকে আমি সেখানে ধূলা
ঝাঁট দেব এই আশা ক’রে এখানে গায়িকার দলে ভর্তি
হয়েছি।

শ্রীমতী

এসো এসো বোন, ভালো হ’ল। রাজকন্যাদের হাতে
পূজার দীপে ধোঁওয়া দেয় বেশি, আলো দেয় কম। তোমার
নির্মল হাত ছুখানির জন্তে অপেক্ষা ছিল। কিন্তু এ কথা
তোমাকে মনে করিয়ে দিলে কে?

মালতী

কেমন ক’রে বলব, দিদি। আজ বাতাসে বাতাসে যে
আগুনের মতো কী এক মত্ত লেগেছে। সেদিন আমার ভাই
গেল চ’লে। তার বয়স আঠারো। হাতে ধরে জিজ্ঞাসা
করলেম, “কোথায় যাচ্ছিস ভাই,” সে বললে “খুঁজতে।”

শ্রীমতী

নদীর সব ঢেউকেই সমুদ্র আজ একডাকে ডেকেচে। পূর্ণ
চাঁদ উঠল।—একি! তোমার হাতে যে আঙুটি দেখি।

কেমন লাগচে যে ! স্বর্গের মন্দার কুঁড়িতো ধূলোর দামে
বিকিয়ে গেলোনা ?

মালতী

তবে খুলে বলি—তুমি সব কথা বুঝবে।

মালতী

অনেক কেঁদে বোঝবার শক্তি হয়েছে।

মালতী

তিনি ধনী আমরা দরিদ্র। দূব থেকে চুপ করে তাঁকে
দেখেছি। একদিন নিজে এসে বল্লেন, মালতীকে আমাব
ভালো লাগে। বাবা বল্লেন, মালতীর সৌভাগ্য। সব
আয়োজন সাবা হ'ল যেদিন, এলেন তিনি দ্বাবে। ববেব
বেশে নয় ভিক্ষুর বেশে। কাষায় বস্ত্র, হাতে দণ্ড। বল্লেন,
যদি দেখা হয় তো মুক্তির পথে, এখানে নয়।—দিদি, কিছু
মনে কোবোনা—এখনো চোখে জল আস্চে, মন যে ছোটো।

শ্রীমতী

চোখের জল বায়ে যাক্ না। মুক্তিপথের ধূলো ঐ জলে
মববে।

মালতী

প্রণাম করে বল্লেন, “আমার তো বন্ধন ক্ষয় হয় নি।
যে আঙটি পরাবে কথা দিয়েছিলে সেটি দিয়ে যাও।” এই
সেই আঙটি। ভগবানের আরতিতে এটি যেদিন আমার
হাত থেকে তাঁর পায়ে খ'সে পড়বে সেইদিন মুক্তির পথে
দেখা হবে।

শ্রীমতী

কত মেয়ে ঘর বেঁধেছিলো, আজ তারা ঘর ভাঙলো।
কত মেয়ে চীবর প'রে পথে বেরিয়েচে, কে জানে সে কি
পথের টানে, না পথিকের টানে? কতবার হাত জোড় ক'রে
মনে মনে প্রার্থনা করি—বলি “মহাপুরুষ, উদাসীন থেকে না।
আজ ঘরে ঘরে নারীর চোখের জলে তুমিই বন্যা বইয়ে দিলে,
তুমিই তাদের শান্তি দাও।” রাজবাড়ির মেয়েরা এী আসচেন।

(বাসবী নন্দা রত্নাবলী অজিতা মল্লিকা ওদ্রার প্রবেশ)

বাসবী

এ মেয়েটি কে, দেখি দেখি! চুল চূড়া কবে বেধেচে,
অলকে দিয়েচে জবা। নন্দা, দেখে যাও, আকন্দের মালা
দিয়ে বেণী কি রকম উচু করে জড়িয়েচে। গলায় বুঝি
কুঁচ ফলের হার? শ্রীমতী, এ কোথা থেকে এলো?

শ্রীমতী

গ্রাম থেকে। ওর নাম মালতী।

রত্নাবলী

পেয়েছ একটি শীকার! ওকে শিখ্যা করবে বুঝি?
আমাদের উদ্ধার করতে পারলে না, এখন গ্রামের মেয়ে ধ'রে
মুক্তির ব্যবসা চালাবে!

শ্রীমতী

গ্রামের মেয়ের মুক্তির ভাবনা কী! ওখানে স্বর্গের
হাতের কাজ ঢাকা পড়ে নি—না ধূলায়, না মণিমাণিক্যে—
স্বর্গ তাই আপনি ওদের চিনে নেয়।

বত্নাবলী

স্বর্গে যদি না যাই সেও ভালো কিন্তু তোমার উপদেশের জ্বারে যেতে চাইনে। গণেশের ইচ্ছার কৃপায় সিদ্ধিলাভ করতে আমার উৎসাহ নেই, ববঞ্চ যমরাজের মহিষটাকে মান্তে বাজি আছি।

নন্দা

রত্না, তোমার বাহন তো তৈরিই আছে,—লক্ষ্মীর পেঁচা। দেখো তো অজিতা, শ্রীমতীকে নিয়ে কেন বিদ্রূপ! ও তো উপদেশ দিতে আসে না।

বাসবী

ওর চুপ করে থাকাইতো বাশীকৃত উপদেশ। ঐ দেখে! না, চুপি চুপি হাস্চে। ওটা কি উপদেশ হ'ল না?

রত্নাবলী

মহৎ উপদেশ! অর্থাৎ কিনা, মধুরের দ্বারা কটুকে জয় করবে, হাশ্বের দ্বারা ভাঙাকে।

বাসবী

একটু ঝগড়া করো না কেন, শ্রীমতী। এত মধুর কি সহ্য হয়? মানুষকে লজ্জা দেওয়ার চেয়ে মানুষকে রাগিয়ে দেওয়া যে ঢের ভালো।

শ্রীমতী

ভিতরে তেমন ভালো যদি হতেম বাইরে মন্দর ভাণ করলে সেটা গায়ে লাগত না। কলঙ্কেব ভাণ করা চাঁদকেই শোভা পায়। কিন্তু অমাবস্তা! সে যদি মেঘের মুখোষ পরে?

অজিতা

ঐ দেখো, গ্রামের মেয়েটি অবাক হয়ে ভাবচে, রাজ-
বাড়ির মেয়েগুলোর রসনায় রস নেই কেবল ধারই আছে।
কী তোমার নাম, ভুলে গেছি।

মালতী

মালতী।

অজিতা

কী ভাবছিলে বলোনা।

মালতী

দিদিকে ভালো বেসেছি, তাই ব্যথা লাগছিল।

অজিতা

আমরা যাকে ভালোবাসি তাকেই ব্যথা দেবার ছল
করি। রাজবাড়ির অলঙ্কারশাস্ত্রের এই নিয়ম। মনে
বেধো।

ভদ্রা

মালতী, কী-একটা কথা যেন বলতে যাচ্ছিলে। বলেই
ফেলোনা। আমাদের তুমি কী ভাবো জানতে ভারি কৌতূ-
হল হয়।

মালতী

আমি বলতে চাচ্ছিলেম, “হাঁগা, তোমরা নিজের কথা
শুন্তেই এত ভালোবাসো, গান শোনবার সময় বয়ে
যায়।”

সকলের উচ্চহাস্য

বাসবী

হাঁ গা, হাঁ গা! রাজবাড়ির ব্যাকরণচুপুকে ডাবে।
তাঁর শিক্ষা সম্বন্ধকারকের শেষ পর্য্যন্ত পৌঁছয় নি।

রত্নাবলী

হাঁগা বাসবী, হাঁগা বাজকুলগুটমণিমালিকা!

বাসবী

হাঁগা রত্নাবলী, হাঁগা ভুবনমোহনলাবণ্যকৌমুদী— ব্যাক-
রণেব এ কী নতন সম্পদ! সম্বন্ধ কারকে হাঁগা!

মালতী

দিদি, এঁ বা কি আমার উপবে বাগ করেচেন?

নন্দা

ভয় নেই তোমাব মালতী। দিগ্ বালিকাবা শিউলি
বনে যখন শিল বৃষ্টি কবে তখন রাগ ক'রে করে না, তাদের
আদব করবার প্রথাই এ।

অজিতা

এঁ দেখে। শ্রীমতী মনে মনেই গান গেয়ে যাচ্ছে। আমা-
দের কথা ওর কানেই পৌঁছে না। শ্রীমতী, গলা ছেড়ে
গাওনা, আমবাও যোগ দেব।

শ্রীমতীব গান

নিশীথে কী কয়ে গেল মনে,

কী জানি, কী জানি।

সে কি ঘুমে সে কি জাগবণে,

কী জানি কী জানি।

নানাকাজে নানামতে
 ফিরি ঘরে, ফিরি পথে
 সে কথা কি অগোচরে বাজে ক্ষণে ক্ষণে
 কী জানি, কী জানি !
 সে কথা কি অকারণে ব্যথিছে হৃদয়,
 একি ভয়, একি জয় ।
 সে কথা কি কানে কানে বারে বারে কয়
 “আর নয়, আর নয় ।”
 সে কথা কি নানাসুরে
 বলে মোরে, “চলো দূরে,”
 সে কি বাজে বুকে মম, বাজে কি গগনে,
 কী জানি, কী জানি ।

বাসবী

মালতী, তোমার চোখে যে জল ভ’রে এলো। এ
 গানের মধ্যে কী বুঝলে বলোতো ।

মালতী

শ্রীমতী ডাক শুনেচে ।

বাসবী

কার ডাক ?

মালতী

যার ডাকে আমার ভাই গেলো চলে। যার ডাকে
 আমার—

বাসবী

কে, কে তোমার ?

শ্রীমতী

মালতী, বোন আমার, চুপ্, আর বলিস্নে। চোখ নুড়ে ফেল্, এ কাঁদবার জায়গা নয়।

বাসবী

শ্রীমতী, ওকে বাধা দিলে কেন ? তুমি কি মনে ভাব আমরা কেবল হাসতেই জানি ?

ভদ্রা

আমরা কি একেবারেই জানিনে হাসি কোন্ জায়গায় নাগাল পায় না ?

মালতী

রাজকুমারী আজ ত বাতাসে বাতাসে কথা চল্চে তোমরা শোনো নি ?

নন্দা

সকালের আলোতে পদ্মের পাপড়ি খুলে যায়, কিন্তু রাজপ্রাসাদের দেয়াল ত খোলে না।

(লোকেশ্বরীর প্রবেশ। সকলেব প্রণাম)

লোকেশ্বরী

আমি সহ্য কবতে পারচিনে। ঐ শুনচনা রাস্তায় বাস্তায় স্তবের ধ্বনি—ওঁ নমো বুদ্ধায় গুরবে, নমঃ সঙ্ঘায় মহন্তমায়। শুন্লে এখনো আমার বুকের ভিতর ছলে গুঠে। (কানে হাত দিয়া) আজই থামিয়ে দেওয়া চাই। এখনি, এখনি।

মল্লিকা

দেবী শান্ত হোন্ !

লোকেশ্বরী

শান্ত হব কিসে? কোন্ মন্ত্রে শান্ত করবে? সেই, নমঃ পরম শান্তায়, মহাকারুণিকায়—এ মন্ত্র আর নয়, আব নয়। আমার মন্ত্র “নমো বজ্রক্ৰোধডাকিন্ধ্র, নমঃ স্ত্রীবজ্রমহা-কালায়।” অস্ত্র দিয়ে আগুন দিয়ে রক্ত দিয়ে জগতে শাস্তি আসবে। নইলে মাব কোল ছেড়ে ছেলে চলে যাবে, সিংহাসন থেকে বাজমহিমা জীর্ণপত্রের মতো খসে খসে পড়বে।—তোমরা কুমাবীরা এখানে কী করচ ?

রত্নাবলী

(হাসিয়া) অপেক্ষা কবচি উদ্ধাবের। মলিন মনকে নিশ্চল করে এই শ্রীমতীর শিষ্যা হবার পথে একটু একটু ক’রে এগোচ্চি।

বাসবী

অশ্রাব্য তোমার এই অতু্যক্তি।

লোকেশ্বরী

এই নটীর শিষ্যা! শেষকালে তাই ঘটাবে, সেই ধর্ম্মই এসেছে। পতিতা আসবে পরিব্রাণের উপদেশ নিয়ে! শ্রীমতী বৃষ্টি আজ হঠাৎ সাক্ষী হয়ে উঠেছে! যেদিন ভগবান বুদ্ধ অশোকবনে এসেছিলেন রাজপুত্রীর সকলেই তাঁকে দেখতে এলো, একেও দয়া কবে ডাকতে পাঠিয়েছিলেন। পাপিষ্ঠা এলোই না। তবু আজ না কি ভিক্ষু উপালি রাজবাড়িতে

একমাত্র ওর হাতেই ভিক্ষা নিতে আসে, রাজকুমারীদের এড়িয়ে যায়। মূঢ়ে, রাজবংশের মেয়ে হয়ে তোরা এই ধর্মকে অভ্যর্থনা করতে বসেছিস্, উচ্চ আসনকে ধুলায় টেনে ফেলবাব এই ধর্ম ! যেখানে রাজাব প্রভাব ছিল সেখানে ভিক্ষুর প্রভাব হবে—একে ধর্ম বলিস্ তোরা আত্মঘাতিনীবা ? উপালি তোকে কী মন্ত্র দিয়েছে উচ্চারণ কর্ দেখি নটী ! দেখি কত বড়ো সাহস ! পাপ রসনায় পক্ষাঘাত হবেনা ?

শ্রীমতী

(করজোড়ে উঠিয়া দাঁড়াইয়া) ওঁ নমো বুদ্ধায় গুববে.
নমো ধর্মায় তারণে, নমঃ সজ্জায় মহত্তমায় নমঃ !

লোকেশ্বরী

ওঁ নমো বুদ্ধায় গুববে—থাক্ থাক্ থাম্ থাম্ !

শ্রীমতী

মৎহিতায় অনাথায় অনুকম্পায় যে বিভো -

লোকেশ্বরী

(বক্ষে করাঘাত করিয়া) ওরে অনাথা, অনাথা !—
শ্রীমতী একবার বলোতো, “মহাকারুণিকো, নাথো”—

উভয়ে আবৃত্তি

মহাকারুণিকো নাথো হিতায় সর্বপাণিনং

পূরেহা পারমী সৰ্বা পন্তো সন্মোদিস্মুত্তমং ।

লোকেশ্বরী

হয়েছে, হয়েছে, থাক্ আর নয়। “নমো বজ্রক্ৰোধ
ডাকিগৈ !”

অনুচরীর প্রবেশ

অনুচরী

মহারানী, এই দিকে আসুন নিভতে। (জনাস্থিকে)
রাজকুমার চিত্র এসেছেন জননীর সঙ্গে সাক্ষাৎ করতে।

লোকেশ্বরী

কে বলে ধর্ম মিথ্যা ! পুণ্যমন্ত্ৰের যেমনি উচ্চারণ অমনি
গেল অমঙ্গল ! ওরে বিশ্বাসহীনারা, তোরা আমার দুঃখ
দেখে মনে মনে হেসেছিলি ! “মহাকারুণিকো নাথো” তাঁর
করুণার কত বড়ো শক্তি ! পাথর গলে যায়। এই আমি
তোদের সবাইকে বলে যাচ্ছি, পাব আবার পুত্রকে, পান
আবার সিংহাসন। যারা ভগবানকে অপমান করেছে দেখব
তাদের দর্প কতদিন থাকে ! বুদ্ধঃ সরণঃ গচ্ছামি, ধর্ম্যঃ সরণঃ
গচ্ছামি, সজ্জঃ সরণঃ গচ্ছামি—(বলিতে বলিতে অনুচরীসহ
প্রস্থান)

রত্নাবলী

মল্লিকা, হাওয়া আবার কোন্ দিক থেকে বইল ?

মল্লিকা

আজ কাল আকাশ জুড়ে এ যে পাগলামির হাওয়া, এর
কি গতির স্থিরতা আছে ? হঠাৎ কাকে কোন্ দিকে নিয়ে
যায় কেউ বলতে পারে না। সেই যে কলন্দক আজ চল্লিশ
বছর জুয়ো খেলে কাটালে, সে হঠাৎ শুনি না কি ওদের
অর্হৎ হয়ে উঠেছে। আবার নন্দিবর্দ্ধন, যজ্ঞে যে সর্বস্ব দিতে
পণ করলে আজ ব্রাহ্মণ দেখলে সে মারতে যায়।

রত্নাবলী

তাহলে রাজকুমার চিত্র ফিরে এলেন !

মল্লিকা

দেখোনা শেষ পর্য্যন্ত কী হয় ।

মালতী

ভগবান দয়্যাবতার যেদিন এখানে এসেছিলেন সেদিন
শ্রীমতী দিদি তাঁকে দেখতে যাওনি, একি সত্য ?

শ্রীমতী

সত্য : তাঁকে দেখা দেওয়াই যে পূজা দেওয়া । আমি
মলিন, আমার মধ্যে তো নৈবেদ্য প্রস্তুত ছিল না ।

মালতী

হায়, হায় তবে কী হলো দিদি !

শ্রীমতী

অত সহজে তাঁর কাছে গেলে যে যাওয়া বার্থ হয় ।
তাঁকে কি চেয়ে দেখলেই দেখি, তাঁর কথা কানে শুনলেই
কি শোনা যায় ?

রত্নাবলী

ইস্, এটা আমাদের পরে কটাক্ষপাত হল । এবট
প্রশ্নয়ের হাওয়াতেই নটীর সৌজন্নের আবরণ উড়ে যায় ।

শ্রীমতী

কৃত্রিম সৌজন্নের দিন আমার গেছে । মিথ্যা স্তব
করবনা, স্পষ্টই বলব, তোমাদের চোখ ঝাঁকে দেখেচে তোমরা
তাঁকে দেখোনি ।

রত্নাবলী

বাসবী, ভদ্রা, এই নটীর স্পর্শে সহ্য করচ কেমন করে ?

বাসবী

বাহির থেকে সত্যকে যদি সহ্য করতে না পারি তা হলে ভিতর থেকে মিথ্যাকে সহ্য করতে হবে। শ্রীমতী আর এক-বাদ গাও তো তোমার মন্ত্ৰটি, আমার মনের কাঁটাগুলোর ধার ক্ষয়ে যাক্।

শ্রীমতী

ওঁ নমো বুদ্ধায় গুরবে, নমো ধর্ম্মায় তারণে, নমঃ সজ্জায় মহত্তমায় নমঃ।

নন্দা

ভগবানকে দেখতে গিয়েছিলেম আমরা, ভগবান নিজে এসে দেখা দিয়েছেন শ্রীমতীকে, ওর অন্তরের মধ্যে।

রত্নাবলী

বিনয় ভুলেচ নটী ! এ কথার প্রতিবাদ কববে না ?

শ্রীমতী

কেন করব রাজকুমারী ? তিনি যদি আমারও অন্তরে পা বাথেন তাতে কি আমার গৌরব, না তাঁরই ?

বাসবী

থাক্ থাক্ মুখের কথায় কথা বেড়ে যায়। তুমি গান গাও।

শ্রীমতীর গান

তুমি কি এসেছ মোর দ্বারে
 খুঁজিতে আমার আপনারে ?
 তোমারি যে ডাকে
 কুসুম গোপন হতে বাহিরায় নগ্ন শাখে শাখে,
 সেই ডাকে ডাকো আজি তাবে ॥
 তোমারি সে ডাকে বাধা ভোলে,
 শ্যামল গোপন প্রাণ ধূলি-অবগুঠন খোলে ।
 সে ডাকে তোমারি
 সহসা নবীন উষা আসে হাতে আলোকের ঝারি,
 দেয় সাড়া ঘন অন্ধকাবে ॥

নেপথ্য

ওঁ নমো বজ্রদ্রায়, বোধিসত্ত্বায়, মহাসত্ত্বায়, মহাকারুণিকায় ।
 উৎপলপর্ণার প্রবেশ
 সকলে

ভগবতি, নমস্কাব ।

ভিক্ষুণী

ভবতু সর্বমঙ্গলং রক্ষন্তু সর্বদেবতা ।
 সর্ব বুদ্ধানুভাবেন সদা সোখী ভবন্ততে ॥
 শ্রীমতী !

শ্রীমতী

কী আদেশ ?

ভিক্ষুণী

আজ বসন্ত পূর্ণিমায় ভগবান বোধিসত্ত্বের জন্মাৎসব।
অশোকবনে তাঁর আসনে পূজা-নিবেদনের ভার শ্রীমতীর
উপর।

রত্নাবলী

বোধ হয় ভুল শুনলেম। কোন্ শ্রীমতীর কথা বলছেন ?

ভিক্ষুণী

এই যে, এই শ্রীমতী।

রত্নাবলী

রাজবাড়ির এই নটী ?

ভিক্ষুণী

হাঁ, এই নটী।

রত্নাবলী

স্ববিরদের কাছে উপদেশ নিয়েছেন ?

ভিক্ষুণী

তাদেরই এই আদেশ।

রত্নাবলী

কে তাঁরা ? নাম শুনি।

ভিক্ষুণী

একজন তো উপালি।

রত্নাবলী

উপালি তো নাপিত।

ভিক্ষুণী

সুন্দর বলেছেন।

রত্নাবলী

তিনি গোয়ালার ছেলে।

ভিক্ষুণী

সুন্দরও এই আদেশ।

রত্নাবলী

তিনি নাকি জাতিতে পুকুস।

ভিক্ষুণী

রাজকুমারী এঁরা জাতিতে সকলেই এক। এঁদের আভি-
জাত্যেব সংবাদ তুমি জানোনা।

রত্নাবলী

নিশ্চয় জানিনে। বোধ হয় এই নটী জানে। বোধ হয়
এব সঙ্গে জাতিতে বিশেষ প্রভেদ নেই। নইলে এত মমতা
কেন?

ভিক্ষুণী

সে কথা সত্য। রাজপিতা বিদ্বিসার “রাজগৃহ” নগরীর
নির্জনবাস থেকে স্বয়ং আজ এসে ব্রতপালন করবেন। তাঁকে
সম্বর্দ্ধনা করে আনিগে। (প্রস্থান)

অজিতা

কোথায় চলেচ শ্রীমতী?

শ্রীমতী

অশোকবনের আসনবেদী ধৌত কবতে যাব।

মালতী

দিদি আমাকে সঙ্গে নিয়ে।

নন্দা

আমিও যাব।

অজিতা

ভাব্‌চি গেলে হয়।

বাসবী

আমিও দেখিগে, তোমাদের অনুষ্ঠানটা কী রকম।

রত্নাবলী

কী শোভা! শ্রীমতী করবে পূজার উদ্বোধন, তোমরা
পরিচারিকার দল করবে চামরবীজন।

বাসবী

আর এখান থেকে তুমি অভিষেকের উষ্ণ নিঃশ্বাস
ফেলবে। তাতে অশোকবনও দগ্ধ হবেনা, শ্রীমতীর শাস্তিও
থাক্বে অক্ষুণ্ণ। (রত্নাবলী ও মল্লিকা ব্যতীত আর সকলের
প্রস্থান)

রত্নাবলী

সইবেনা! সইবেনা! এ একেবারে সমস্তর বিরুদ্ধ!
মল্লিকা, পুরুষ হয়ে জন্মালুমেনা কেন! এই কঙ্কণপরা হাতের
পরে ধিক্কার হয়! যদি থাক্বে তলোয়ার! তুমিও তো
মল্লিকা সমস্তকণ চুপ করে বসে ছিলে, একটি কথাও কও নি!
তুমিও কি ঐ নটীর পরিচারিকার পদ কামনা করো?

মল্লিকা

করলেও পাবোনা। নটী আমাকে খুব চেনে।

রত্নাবলী

চুপ ক'বে সহ্য করো কী ক'বে বঝতে পারিনে। ধৈর্য্য
নিরুপায় ইতর লোকের অস্ত্র, রাজার মেয়েদের না।

মল্লিকা

আমি জানি প্রতিকার আসন্ন, তাই শক্তির অপব্যয়
করিনে।

রত্নাবলী

নিশ্চিত জানো?

মল্লিকা

নিশ্চিত।

রত্নাবলী

গোপন কথা যদি হয় বোলোনা। কেবল এইটুকু জানতে
চাই ঐ নটী কি আজ সন্ধ্যাবেলায় পূজা করবে আর বাজ-
কন্ঠারা জোড়াহাতে দাঁড়িয়ে থাকবে?

মল্লিকা

না কিছুতেই না! আমি কথা দিচ্ছি।

রত্নাবলী

রাজগৃহলক্ষ্মী তোমার বাণীকে সার্থক করুন!



দ্বিতীয় অঙ্ক

রাজোদ্ধান লোকেশ্বরী ও মল্লিকা

মল্লিকা

পুত্রের সঙ্গে তো দেখা হ'লো মহারানী ! তবে এখনো
কেন—

লোকেশ্বরী

পুত্রের সঙ্গে ? পুত্র কোথায় ? এ যে মৃত্যুর চেয়ে
বেশি ! আগে বুঝতে পারি নি !

মল্লিকা

এমন কথা কেন বলছেন ?

লোকেশ্বরী

পুত্র যখন অপুত্র হয়ে মা'র কাছে আসে তার মতো দুঃখ
আর নেই। কী রকম ক'রে সে চাইলে আমার দিকে ?
তার মা একেবারে লুপ্ত হয়ে গেছে—কোথাও কোনো তার
চিহ্নও নেই ! নিজের এত বড়ো নিঃশেষে সর্বনাশ কল্পনাও
করতে পারতুম না ।

মল্লিকা

রক্ত মাংসের জন্মকে সম্পূর্ণ ঘুচিয়ে ফেলে এঁরা যে নির্মল
নূতন জন্ম লাভ করেন ।

লোকেশ্বরী

হায়রে রক্ত মাংস ! হায়রে অসহ্য ক্লেশ, অসহ্য বেদনা !
রক্ত মাংসের তপস্যা এ'দের এই শূণ্যের তপস্যার চেয়ে কি
কিছুমাত্র কম !

মল্লিকা

কিন্তু যাই বলো দেবী, তাঁকে দেখলেম, সে কী রূপ !
আলো দিয়ে ধোওয়া যেন দেবমূর্তি খানি ।

লোকেশ্বরী

ঐ রূপ নিয়ে তার মাকে সে লজ্জা দিয়ে গেল । যে
মায়ের প্রাণ আমার নাড়ীতে, যে মায়ের স্নেহ আমার হৃদয়ে,
তাকে ঐ রূপ দিক্কার দিলে ! যে-জন্ম তাকে দিয়েছি আমি,
সে জন্মের সঙ্গে তার এ জন্মের কেবল যে বিচ্ছেদ তা নয়,
বিরোধ ! দেখ মল্লিকা আজ খুব স্পষ্ট করে বুঝতে পারলেম
এ ধর্ম্য পুরুষের তৈরি । এ ধর্ম্যে মা ছেলের পক্ষে অনা-
বশ্যক ; স্ত্রীকে স্বামীর প্রয়োজন নেই । যারা না-পুত্র না-স্বামী
না-ভাই সেই সব ঘরছাড়াাদের একটুখানি ভিক্ষা দেবার জন্তে
সমস্ত প্রাণকে শুকিয়ে ফেলে আমরা শূণ্য ঘরে পড়ে থাকব !
মল্লিকা, এই পুরুষের ধর্ম্য আমাদের মেরেচে, আমরাও এ'কে
মারব !

মল্লিকা

কিন্তু দেবী, দেখনি, মেয়েরাই যে দলে দলে চলেছে
বুদ্ধকে পূজা দেবার জন্তে !

লোকেশ্বরী

মূঢ় ওরা, ভক্তি করবার ক্ষুধার ওদের অন্ত নেই। যা ওদের সব চেয়ে মারে তাকেই ওরা সব চেয়ে বেশি করে দেয়। এই মোহকে আমি প্রশ্রয় দিই নে।

মল্লিকা

মুখে বল্চ, মহারাণী। নিশ্চয় জানি, তোমার ঐ পুত্র আজ তোমার সেবাকক্ষের দ্বার দিয়ে বেরিয়ে এসে তোমার পূজাকক্ষের দ্বার দিয়ে ভিতরে প্রবেশ করেছে। তোমার মানবপুত্র কোল থেকে নেমে আজ দেবতাপুত্র হয়ে তোমার হৃদয়ের পূজাবেদীতে চড়ে বসেছে।

লোকেশ্বরী

চুপ্‌চুপ্‌! বলিস্নে! আমি হাত জোড় ক'রে তাকে অনুরোধ করলেম, বল্লেম, “একরাত্রির জন্তে তোমার মাতার ঘরে থেকে যাও।” সে বল্লে, “আমার মাতাব ঘরের উপরে ছাদ নেই—আছে আকাশ।” মল্লিকা, যদি মা হতিস্ তো বুঝতিস্ কতবড় কঠিন কথা! বজ্র দেবতার হাতের নিস্তৃত সে তো বজ্র। বুক বিদীর্ণ হয়ে যায় নি! সেই বিদীর্ণ বুকের ছিদ্রের ভিতর দিয়ে ঐ যে রাস্তার শ্রমণদের গর্জ্জন আমার পাঁজর গুলোর ভিতরে প্রতিধ্বনিত হয়ে বেড়াচ্ছে—বন্ধঃ সরণঃ গচ্ছামি, ধম্মঃ সরণঃ গচ্ছামি, সজ্জঃ সরণঃ গচ্ছামি!

মল্লিকা

একি মহারাণী, মন্ত্রোচ্চারণের সঙ্গে সঙ্গে আজো আপনি যে নমস্কার করেন!

লোকেশ্বরী

ঐ তো বিপদ ! মল্লিকা, দুর্বলের ধর্ম মানুষকে দুর্বল করে। দুর্বল করাই এই ধর্মের উদ্দেশ্য। যত উচু মাথাকে সব হেঁট করে দেবে। ব্রাহ্মণকে বলবে সেবা করো, ক্ষত্রিয়কে বলবে ভিক্ষা করো। এই ধর্মের বিষ অনেক দিন স্বেচ্ছায় নিজের রক্তের মধ্যে পালন কবেচি। সেইজন্তে আজ আমিই এ'কে সব চেয়ে ভয় কবি ! ঐ কে আস্চে ?

মল্লিকা

বাজকুমারী বাসবী। পূজাস্থলে যাবার জন্তে প্রস্তুত হয়ে এসেছেন।

বাসবীর প্রবেশ

লোকেশ্বরী

পূজায় চলেচ ?

.

বাসবী

হাঁ।

লোকেশ্বরী

তোমাদের তো বয়স হয়েছে।

বাসবী

আমাদের ব্যবহারে তার কি কোনো বৈলক্ষণ্য দেখছেন ?

লোকেশ্বরী

শিশু ! তোমরা না কি ব'লে বেড়াচ্ছ, অহিংসা পরমোধর্ম !

বাসবী

আমাদের চেয়ে ষাঁদের বয়স অনেক বেশি তাঁরাই ব'লে
বেড়াচ্ছেন, আমরা তো কেবল মুখে আবৃত্তি করি মাত্র।

লোকেশ্বরী

নির্বোধকে কেমন করে বোঝাব অহিংসা ইত্যরের ধর্ম !
হিংসা ক্ষত্রিয়ের বিশাল বাহুতে মাণিক্যের অঙ্গদ, নির্ভুর
তেজে দীপ্যমান।

বাসবী

শক্তির কি কোমলরূপ নেই ?

লোকেশ্বরী

আছে, যখন সে ডোবায়। যখন সে দৃঢ় করে বাঁধে
তখন না। পর্বতকে সৃষ্টিকর্তা নির্দয় পাথর দিয়ে গড়েছেন,
পাঁক দিয়ে নয়। তোমাদের গুরুর কৃপায় উপর থেকে নীচে
পর্যন্ত সবই কি হবে পাঁক ? রাজবাড়িতে মানুষ হয়েও
এই কথাটা মানতে ঘৃণা হয় না ? চূপ করে রইলে যে ?

বাসবী

ভেবে দেখছি, মহারানী।

লোকেশ্বরী

ভাববার কী আছে ! চোখের সামনে দেখলে তো, রাজ-
পুত্র এক মুহূর্তে রাজা হতে ভুলে গেল। ব'লে গেল চরা-
চরকে দয়া করবার সাধনা করব। শোনোনি, বাসবী ?

বাসবী

শুনছি।

লোকেশ্বরী

তাহলে নির্দয়তা করবার গুরুতর কাজ গ্রহণ কববে কে ?
কেউ যদি না করে তবে বীরভোগ্যা বসুন্ধরার কী হবে গতি ?
যত সব মাথা-হেঁট-করা উপবাসজীর্ণ ক্ষীণকণ্ঠ মন্দাগ্লিহ্নান
নিজ্জীবের হাতে তার দুর্গতির কি সীমা থাকবে ? তোবা
ক্ষত্রিয়ের মেয়ে, কথাটা তোদের কাছে এত নতুন ঠেক্চে কেন
বাসবী ?

বাসবী

এই পুরোনো কথাটা হঠাৎ আজ যেন একদিনে ঢাকা
পড়ে গেছে—বসন্তে নিষ্পত্র কিংশুকের শাখা যেমন কবে
ফুলে ঢেকে যায় ।

লোকেশ্বরী

কখনো কখনো বুদ্ধিভ্রংশ হয়ে পুরুষ আপন পৌরুষধর্ম
ভুলে যায় কিন্তু নারীরা যদি তাকে সেটা ভুলতে দেয় তাহলে
মরণ যে সেই নারীর ! মহা লতার জন্তে কি মহাবৃক্ষের
দরকার নেই ? সব গাছই গুল্ম হয়ে গেলে কি তার পক্ষে
ভালো ? বল্না । মুখে যে উত্তর নেই !

বাসবী

মহাবৃক্ষ চাই বই কি ।

লোকেশ্বরী

কিন্তু বনম্পতি নির্মূল করবার জন্তেই এসেচেন তোমা-
দের গুরু । তাও যে পরশুরামের মতো কুঠার হাতে করবেন
এমন শক্তি নেই । কোমল শাস্ত্রবাক্যের পোকা তলায় তলায়

লাগিয়ে দিয়ে মনুষ্যত্বের মজ্জাকে জীর্ণ করবেন, বিনা যুদ্ধে পৃথিবীকে নিষ্কত্রিয় ক'রে দেবেন। তাঁদেরও কাজ সারা হবে আর তোমরা রাজার মেয়েরা মাথা মুড়িয়ে ভিক্ষাপাত্র হাতে পথে পথে ফিরবে! তার আগেই যেন মরো আমার এই আশীর্ব্বাদ। কী ভাব্চ? কথাটা মনে লাগচেনা?

বাসবী

ভালো করে ভেবে দেখি।

লোকেশ্বরী

ভেবে দেখবার দরকার নেই, প্রমাণ দেখো। আর্ঘ্যপুত্র বিশ্বিসার, ক্ষত্রিয় রাজা, রাজত্ব তো তাঁর ভোগের জিনিষ নয়, তাতেই তাঁর ধর্ম্মসাধনা। কিন্তু কোন্ মকর ধর্ম্ম কানে মন্ত্র দিন অম্নি কত সহজেই রাজত্ব থেকে তিনি খ'সে পড়লেন— অস্ত্র হাতে না, রণক্ষেত্রে না, মৃত্যুর মুখে না। বাসবী, এক-দিন তুমিও রাজার মহিষী হবে এ আশা কি ত্যাগ করেছ?

বাসবী

কেন ত্যাগ করব?

লোকেশ্বরী

তাহলে জিজ্ঞাসা করি দয়া-মন্ত্রের হাওয়ায় যে রাজা সিংহাসনের উপর কেবল টল্‌মল্ করে, রাজদণ্ড যার হাতে শিথিল, জয়তিলক যার ললাটে স্নান তাকে শ্রদ্ধা ক'রে বরণ করতে পারবে?

বাসবী

না।

লোকেশ্বরী

আমার কথাটা বলি। মহারাজ বিদ্বিসার সংবাদ পাঠিয়ে-
ছেন তিনি আজ আসবেন। তাঁর ইচ্ছা আমি প্রস্তুত থাকি।
তোমরা ভাকচ ওঁর জন্তে সাজব! যে-মানুষ রাজাও নয়,
ভিক্ষুও নয়, যে-মানুষ ভোগেও নেই ত্যাগেও নেই তাকে
অভ্যর্থনা! কখনো না। বাসবী তোমাকে বারবার বল্চি, এই
পৌরুষহীন আত্মাবমাননার ধর্মকে কিছুতে স্বীকার কোরোনা।

মল্লিকা

রাজকুমারী, কোথায় চলেচ?

বাসবী

ঘরে।

মল্লিকা

এদিকে নটী যে প্রস্তুত হয়ে এলো!

বাসবী

থাক্, থাক্। (প্রস্থান)

মল্লিকা

মহারাজী, শুনতে পাচ্চ?

লোকেশ্বরী

শুনচি বইকি। বিষম কোলাহল।

মল্লিকা

নিশ্চয় এঁরা এসে পড়েছেন।

লোকেশ্বরী

কিন্তু ঐযে এখনো শুনচি, নমো—

মল্লিকা

সুর বদলেচে। “নমো বুদ্ধায়” গর্জ্জন আবে প্রবল হয়ে
উঠেচে আঘাত পেয়েই। সঙ্গে সঙ্গে ঐ শোনো—“নমঃ
পিনাকহস্তায়!” আর ভয় নেই।

লোকেশ্বরী

ভাঙলরে ভাঙল! যখন সব ধুলো হয়ে যাবে তখন কে
জানবে ওর মধ্যে আমার প্রাণ কতখানি দিয়েছিলেম। হায়রে,
কত ভক্তি! মল্লিকা, ভাঙার কাজটা শীঘ্র হয়ে গেলে বাঁচি—
ওর ভীৎটা যে আমার বৃকের মধ্যে!

(রত্নাবলীর প্রবেশ)

বহ্না, তুমিও চলেছ পূজায়?

রত্নাবলী

ভ্রমক্রমে পূজ্যকে পূজা না করতে পারি কিন্তু অপূজ্যকে
পূজা করার অপরাধ আমার দ্বারা ঘটে না।

লোকেশ্বরী

তবে কোথায় যাচ্ছ?

রত্নাবলী

মহারানীর কাছেই এখানে এসেছি। আবেদন আছে।

লোকেশ্বরী

কী, বলো।

রত্নাবলী

ঐ নটী যদি এখানে পূজার অধিকার পায় তাহলে এই
অশুচি রাজবাড়িতে বাস করতে পারব না।

নটীর পূজা

লোকেশ্বরী

আশ্বাস দিচ্ছি, আজ এ পূজা ঘটবেনা।

রত্নাবলী

আজ না হোক্ কাল ঘটবে।

লোকেশ্বরী

ভয় নেই, কল্যা, পূজাকে সমূলে উচ্ছেদ করব।

রত্নাবলী

যে অপমান সহ্য করেছি তাতেও তাব প্রতিকার হবে না।

লোকেশ্বরী

তুমি রাজার কাছে অভিযোগ করলে নটীর নিব্বাসন.
এমন কি, প্রাণদণ্ডও হতে পারে।

রত্নাবলী

তাতে ওর গৌরব বাড়িয়ে দেওয়া হবে।

লোকেশ্বরী

তবে তোমার কী ইচ্ছা ?

রত্নাবলী

ও যেখানে পূজারিণী হয়ে পূজা করতে যাচ্ছিল সেখানেই
ওকে নটী হয়ে নাচতে হবে। মল্লিকা, চুপ করে রইলে যে
তুমি কী বলো ?

মল্লিকা

প্রস্তাবটা কৌতুকজনক।

লোকেশ্বরী

আমার মন সায় দিচ্ছে না রত্না।

রত্নাবলী

ঐ নটীর পরে মহারাণীর এখনো দয়া আছে দেখচি।

লোকেশ্বরী

দয়া! কুকুর দিয়ে ওর মাংস ছিঁড়ে খাওয়াতে পারি।
আমার দয়া!

লোকেশ্বরী

অনেকদিন ওখানে নিজের হাতে পূজা দিয়েচি। পূজার
বেদী ভেঙে পড়বে সেও সহ্যেতে পারি। কিন্তু রাজরাণীর
পূজার আসনে আজ নটীর চরণাঘাত!

রত্নাবলী

প্রগল্ভতা মাপ করবেন। ঐ টুকু ব্যথাকে যদি প্রশ্রয়
দেন তবে ঐ ব্যথার উপরেই ভাঙা পূজার বেদী বারেকারে
গড়ে উঠবে।

লোকেশ্বরী

সে ভয় মনে একেবারে নেই তা নয়।

রত্নাবলী

মোহে প'ড়ে যে-মিথ্যাকে মান দিয়েছিলেন তাকে দূরে
সরিয়ে দিলেই মোহ কাটে না। সেই মিথ্যাকে অপমান
ককন তবে মুক্তি পাবেন।

লোকেশ্বরী

মল্লিকা, ঐ শোনো। উজ্জানের উত্তরদিক্ থেকে শব্দ
আস্চে। ভেঙে ফেল্লে, সব ভেঙে ফেল্লে। ওঁ নমো—
যাক্ যাক্ ভেঙে যাক্!

রত্নাবলী

চলোনা, মহারাণী, দেখে আসিগে !

লোকেশ্বরী

যাব, যাব, কিন্তু এখনো না।

রত্নাবলী

আমি দেখে আসিগে। (প্রস্থান)

লোকেশ্বরী

মল্লিকা, বাঁধন ছিঁড়তে বড় বাজে।

মল্লিকা

তোমার চোখ দিয়ে যে জল পড়চে।

লোকেশ্বরী

ঐ শোনো না, “জয় কালী করালী”—অত্যাধম নিচের ক্ষীণ হয়ে এলো এ আমি সহিতে পারচিনে।

মল্লিকা

বুদ্ধের ধর্মকে নির্বাসিত করলে আবার ফিরে আসবে—
অত্যাধম দিয়ে চাপা না দিলে শান্তি নেই। দেবদত্তের কাছে
যখন নূতন মন্ত্র নেবে তখনই সাস্তুনা পাবে।

লোকেশ্বরী

ছি, ছি, বোলোনা, বোলোনা, মুখে এনো না ! দেবদত্ত
কুর সর্প, নরকের কীট ! যখন অহিংসাব্রত নিয়েছিলেম
তখনো মনে মনে তাকে প্রতিদিন দণ্ড করেছি, বিদ্বৎ করেছি।
আর আজ ! যে-আসনে আমার সেই পরম নির্মল জ্যোতি-
ভাসিত মহাগুরুকে নিজে এনে বসিয়েছি তাঁর সেই আসনেই

দেবদত্তকে ডেকে আনব! (জাহ্নু পাতিয়া) ক্ষমা করো প্রভু,
ক্ষমা করো। “দ্বারত্রেয়েণ কৃতং সৰ্ব্বং অপরাধং ক্ষমতু মে
প্রভো!” (উঠিয়া) ভয় নেই, মল্লিকা, ভিতরে উপাসিকা আছে
সে ভিতরেই থাক, বাইরে আছে নিষ্ঠুরা, আছে রাজকুলবধু,
তাকে কেউ পরাস্ত করতে পারবে না। মল্লিকা, আমার নির্জন
ঘরে গিয়ে বসিগে, যখন ধূলার সমুদ্রে আমার এতকালের
আরাধনার তরণী একেবারে ডুবে যাবে তখন আমাকে ডেকো।

(উভয়ের প্রস্থান)

(ধূপ দীপ গন্ধমালা মঙ্গলঘট প্রভৃতি পূজোপকরণ

লইয়া রাজবাটির একদল নারীর প্রবেশ)

পুষ্পপাত্রকে ঘিরিয়া সকলে

বল্ল গন্ধ গুণোপেতং মেতং কুসুম সন্ততিং

পূজয়ামি মুনিন্দস্ সিরি পাদ সরোরুহে ॥

(প্রণাম ও শঙ্খধ্বনি)

ধূপপাত্রকে ঘিরিয়া

গন্ধ সস্তার যুন্তেন ধূপেনাহ সুগন্ধিনা

পূজয়ে পূজনেয্যন্তং পূজাভাজনমুত্তমং ॥

(শঙ্খধ্বনি ও প্রণাম)

ত্রীমতী

(প্রদীপের থালা ঘিরিয়া)

ঘন সারল্ল দিত্তেন দীপেন তম ধংসিনা ।

তিলোক দীপং সমুদ্রং পূজয়ামি তমোহুদং ॥

(শঙ্খধ্বনি ও প্রণাম)

(আহাৰ্য্য নৈবেদ্য ঘেৰিয়া)

অধিবাসে তু নো ভেষ্টে ভোজনং পরিকল্পিতং
অনুকম্পং উপাদায় পতিগহ্নাতু মুত্তমং ।

(শঙ্কৰানি ও প্ৰণাম)

(জাহ্নু পাতিয়া)

যো সন্নিহিতো বব বোধি মূলে
মাংসং সসেনং মহতিং বিজেষ্য
সম্বোধি মাগচ্ছি অনন্ত ঞ্ণানে
লোকুত্তমো তং পণমামি বুদ্ধ ।

শ্ৰীমতী

বনের প্ৰবেশ পথে পূজা সমাধা হল । এবাৰ চলে। শু-প-
মলে ।

মালতী

কিন্তু শ্ৰীমতী দিদি, ঐ দেখ, এদিকের পথ বেড়া দিহে-
বন্ধ ।

শ্ৰীমতী

বেড়া ডিঙিয়ে যেতে পারব, চলে ।

নন্দা

বোধ হচ্ছে রাজার নিষেধ ।

শ্ৰীমতী

কিন্তু প্ৰভুর আদেশ আছে ।

নন্দা

কী ভয়ঙ্কর গৰ্জন । একি রাষ্ট্ৰবিপ্লব ?

শ্রীমতী

গান ধরো ।

গান

বাঁধন-ছেঁড়ার সাধন হবে ।

ছেড়ে যাব তীর মাভৈঃরবে ।

যাঁহার হাতের বিজয়মালা

রুদ্রদাহের বহ্নি জ্বালা,

নমি নমি নমি সে ভৈরবে ॥

কাল-সমুদ্রে আলোর যাত্রী

শূন্যে যে ধায় দিবসরাত্রি ।

ডাক এলো তার তরঙ্গেরি,

বাজুক বক্ষে বজ্রভেরী

অকূল প্রাণের সে উৎসবে ॥

(একদল অন্তঃপুররক্ষিণীর প্রবেশ)

রক্ষিণী

ফেরো তোমরা এখান থেকে ।

শ্রীমতী

আমরা প্রভুর পূজায় চলেছি ।

রক্ষিণী

পূজা বন্ধ ।

শ্রীমতী

আজ প্রভুর জন্মোৎসব ।

রক্ষিণী

পূজা বন্ধ ।

শ্রীমতী

এও কি সম্ভব ?

রক্ষিণী

পূজা বন্ধ । আমি আর কিছু জানিনে । দাও তোমাদের
অর্থ্য । (পূজাব থালা প্রভৃতি ছিনাইয়া)

শ্রীমতী

এ কী পরীক্ষা আমার ! অপরাধ কি ঘটেছে কিছু ?

উত্তমঙ্গেন বন্দেহং পাদপংসু বকন্তমং

বুদ্ধো যো খলিতো দোসো বুদ্ধো খমতু তং মম ।

রক্ষিণী

বন্ধ করো স্তব ।

শ্রীমতী

দ্বাবেব কাছেই অববোধ ! প্রবেশ আমাব ঘটল না
ঘটলনা ।

মালতী

কাদো কেন শ্রীমতী দিদি ! বিনা অর্থ্যে বিনামন্ত্রে কি
পূজা হয় না ? ভগবানতো আমাদের মনের ভিতবেও জন্মলাভ
কবেচেন ।

শ্রীমতী

শুধু তাই নয় মালতী, তাঁর জন্মে আমরা সবাই জন্মেছি ।
আজ সবারই জন্মোৎসব ।

নন্দা

শ্রীমতী, হঠাৎ একমুহূর্তে আজ এমন দুর্দিন ঘনিয়ে এল কেন ?

শ্রীমতী

দুর্দিনই যে সুদিন হয়ে ওঠবার দিন আজ। যা ভেঙেছে তা জোড়া লাগবে, যা পড়েচে তা উঠবে আবার।

অজিতা

দেখো শ্রীমতী, এখন আমার মনে হচ্ছে তোমাকে যে-পূজার ভার দেওয়া হয়েছিল তার মধ্যে নিশ্চয় ভুল আছে। সব তাই নষ্ট হল। গোড়াতেই আমাদের বোঝা উচিত ছিল।

শ্রীমতী

আমি ভয় করিনে। জানি প্রথম থেকেই কেউ মন্দিরে দ্বার খোলা পায় না। ক্রমে যায় আগল খুলে। তবু আমার বলতে কোনো সন্দেহ নেই যে, প্রভু আহ্বান করেচেন আমাকে। বাধা যাবে কেটে। আজই যাবে।

ভদ্রা

রাজার বাধাও সরাতে পারবে ?

শ্রীমতী

সেখানে রাজার রাজদণ্ড পৌছয় না।

রত্নাবলী

রত্নাবলী

কী বলছিলে, শুনেছি শুনেছি। তুমি রাজার বাধাও মানোনা এত বড় তোমার সাহস !

শ্রীমতী

পূজাতে রাজার বাধাই নেই।

রত্নাবলী

নেই রাজার বাধা ? সত্যি না কি ? যেয়ো তুমি পূজা
করতে, আমি দেখব ছুই চোখের আশ মিটিয়ে।

শ্রীমতী

যিনি অন্তর্ধামী তিনিই দেখবেন। বাহির থেকে সব
সবিয়ে দিলেন, তাতে আড়াল পড়ে। এখন

বচসা মনসা চেব বন্দামেতে তথাগতে
সয়নে আসনে ঠানে গমনে চাপি সবদা।

রত্নাবলী

তামার দিন এবার হয়ে এসেচে, অহঙ্কার যুচবে।

শ্রীমতী

তা যুচবে। কিছুই বাকি থাকবে না, কিছুই না।

রত্নাবলী

এখন আমার পালা, আমি প্রস্তুত হয়ে আসছি।

(প্রস্থান)

ভদ্রা

কিছুই ভালো লাগ্চে না। বাসবী বুদ্ধিমতী, সে আগেই
কোথায় স'রে পড়েচে।

অজিতা

আমার কেমন ভয় করচে।

উৎপলপর্ণার প্রবেশ

নন্দা

ভগবতি, কোথায় চলেছেন ?

উৎপলপর্ণা

উপদ্রব এসেছে নগরে, ধর্ম পীড়িত, শ্রমণেরা শঙ্কিত,
হামি পোরপথে রক্ষামন্ত্র পড়তে চলেছি।

শ্রীমতী

ভগবতি, আমাকে সঙ্গে নিয়ে যাবে না ?

উৎপলপর্ণা

কেমন করে নিয়ে যাই ? তোমার উপরে যে পূজার
আদেশ আছে।

শ্রীমতী

পূজার আদেশ এখনো আছে দেবি ?

উৎপলপর্ণা

সমাধান না হওয়া পর্যন্ত সে আদেশের ত অবসান নেই ?

মালতী

নাঃ, কিন্তু রাজার বাধা আছে যে।

উৎপলপর্ণা

ভয় নেই, ধৈর্য ধরো। সে বাধা আপনিই পথ করে
দেবে। (প্রস্থান)

ভদ্রা

শুন্চ অজিতা, রাস্তায় ও কি ক্রন্দন, না গর্জন !

নন্দা

আমার ত মনে হচ্ছে উদ্ধানের ভিতরেই কারা প্রবেশ

ক'রে ভাঙচুর করচে। শ্রীমতী শীঘ্র চলো রাজমহিষী মাতাদ
ঘরের মধ্যে আশ্রয় নিইগে। (প্রস্থান)

ভদ্রা

এসো অজিতা, সমস্তই যেন একটা দুঃস্বপ্ন বলে বোধ
হচ্ছে।

(রাজকুমারী প্রভৃতির প্রস্থান)

মালতী

দিদি, বাইরে ঐ যেন মরণের কান্না শুন্তে পাচ্ছি।
আকাশে দেখচ ঐ শিখা। নগরে আগুন লাগল বুঝি।
জন্মোৎসবে এই মৃত্যুর তাণ্ডব কেন?

শ্রীমতী

মৃত্যুর সিংহদ্বার দিয়েই জন্মের জয়যাত্রা।

মালতী

মনে ভয় আস্চে বলে বড় লজ্জা পাচ্ছি দিদি। পূজা
করতে যাব ভয় নিয়ে যাব এ আমার সহ্য হচ্ছে না।

শ্রীমতী

তোরা ভয় কিসের বোন?

মালতী

বিপদের ভয় না। কিছুই যে বুঝতে পারচিনে, অন্ধকার
ঠেকচে, তাই ভয়।

শ্রীমতী

আপনাকে এই বাইরে দেখিস্নে। আজ যাঁর অক্ষয়
জন্ম তাঁর মধ্যে আপনাকে দেখ, তোরা ভয় ঘুচে যাবে।

মালতী

তুমি গান করো দিদি, আমার ভয় যাবে।

শ্রীমতী

গান

আর রেখোনা আঁধারে আমায়

দেখতে দাও।

তোমার মাঝে আমার আপনারে

আমায় দেখতে দাও ॥

কাঁদাও যদি কাঁদাও এবার,

স্বপ্নের গ্লানি সয়না যে আর,

যাক্ না ধুয়ে নয়ন আমার

অশ্রুধারে ;

আমায় দেখতে দাও ॥

জানিনা তো কোন্ কালো এই ছায়া !

আপন বলে ভুলায় যখন

ঘনায় বিষম মায়া।

স্বপ্নভারে জমল বোঝা,

চিরজীবন শূণ্য খোঁজা,

যে মোর আলো লুকিয়ে আছে

রাতের পারে

আমায় দেখতে দাও ॥

(একজন অন্তঃপুর রক্ষিণীর প্রবেশ)

রক্ষিণী

শোনো, শোনো, শ্রীমতী !

মালতী

কেন নির্ভূর হচ্ছে তোমরা ? আর আমাদের যেতে বোলোনা ! আমরা ছুটি মেয়ে এই উঠানের কাছে মাটির পরে বসে থাকি না—তাতে তোমাদের কী ক্ষতি হবে ?

রক্ষিণী

তোমাদেরই বা কী তাতে প্রয়োজন ?

মালতী

ভগবান বুদ্ধ যে-উঠানে একদিন প্রবেশ করেছিলেন তার শেষ প্রান্তেও তাঁর পদধূলি আছে। তোমরা যদি ভিতরে না যেতে দাও তাহলে আমরা এইখানে সেই ধূলায় বসে মনের মধ্যে তাঁর জন্মোৎসব গ্রহণ করি—মদ্রও বলব না, অর্ঘ্যও দেব না।

রক্ষিণী

কেন বলবে না মদ্র ? বলো, বলো। শুন্তেও পাব না এত কী পাপ করেচি ! অচ্চ রক্ষিণীরা দূরে আছে, এই বেলা আজ পুণ্য দিনে শ্রীমতী তোমার মধুর কণ্ঠ থেকে প্রভুর স্তব শুনে নিই। তুমি জেনো আমি তাঁর দাসী। যেদিন তিনি এসেছিলেন অশোক ছায়ায় সেদিন আমি যে তাঁকে এই পাপ চোখে দেখেছি তার পর থেকে আমার অন্তরে তিনি আছেন।

শ্রীমতী

নমো নমো বুদ্ধ দিবাকরায়,
নমো নমো গৌতম চন্দিমায়,
নমো নমো নন্ত গুণধরায়,
নমো নমো সাকিয় নন্দনায় ॥

রক্ষিণী, তুমিও আমার সঙ্গে সঙ্গে বেলো।

রক্ষিণী

আমার মুখে কি পুণ্যমন্ত্র বের হবে ?

শ্রীমতী

ভক্তি আছে হৃদয়ে, যা বলবে তাই পুণ্য হবে। বেলো
নমো নমো বুদ্ধ দিবাকরায়—

(ক্রমে ক্রমে আবৃত্তি করাইয়া লইল)

রক্ষিণী

আমার বুদ্ধের বোঝা নেমে গেল শ্রীমতী, আজকের দিন
আমার সার্থক হ'ল।—যে কথা বলতে এসেছিলেন এবার
বলে নিই। তুমি এখান থেকে পালাও, আমি তোমাকে পথ
করে দিচ্ছি।

শ্রীমতী

কেন ?

রক্ষিণী

মহারাজ অজাতশত্রু দেবদত্তের কাছে দীক্ষা নিয়েছেন।
তিনি অশোকতলে প্রভুর আসন ভেঙে দিয়েছেন।

মালতী

হায় হায় দিদি, হায় হায়, আমার দেখা হ'লো না।
আমার ভাগ্য মন্দ, ভেঙে গেলো সব।

শ্রীমতী

কী বলিস মালতী! তাঁর আসন অক্ষয়। মহারাজ
বিস্মিত হ'য়ে গিয়েছিলেন তাই ভেঙেছে। প্রভুর আসনকে
কি পাথর দিয়ে পাকা করতে হবে? ভগবানের নিজের
মহিমাই তাকে রক্ষা করে।

রক্ষিণী

রাজা প্রচার করেচেন সেখানে যে-কেউ আরতি করবে,
স্বপ্ন মন্ত্র পড়বে, তার প্রাণদণ্ড হবে। শ্রীমতী তাহলে তুমি
আর কী করবে এখানে?

শ্রীমতী

অপেক্ষা ক'রে থাকব।

রক্ষিণী

কতদিন?

শ্রীমতী

যতদিন না পূজার ডাক আসে! যতদিন বেঁচে আছি
ততদিনই।

রক্ষিণী

পূর্ব হতে আজ তোমার কাছে ক্ষমা চাচ্ছি শ্রীমতী।

শ্রীমতী

কিসের ক্ষমা?

রক্ষিণী

হয়তো রাজার আদেশে তোমাকেও আঘাত করতে হবে।

শ্রীমতী

কোরো আঘাত।

রক্ষিণী

সে আঘাত হয়ত রাজবাড়ির নটীর উপরে পড়বে, কিন্তু
প্রভু ভক্ত সেবিকাকে আজও আমার প্রণাম, সে দিনে
আমার প্রণাম, আমাকে ক্ষমা করো।

শ্রীমতী

আমার প্রভু আমাকে সকল আঘাত ক্ষমা করবার বন
দিন! বুদ্ধো খমতু, বুদ্ধো খমতু।

অথ রক্ষিণীর প্রবেশ

২ রক্ষিণী

রোদিনী!

১ রক্ষিণী

কী পাটলী।

পাটলী

ভগবতী উৎপলপর্ণাকে এরা মেরে ফেলেছে।

রোদিনী

কী সর্বনাশ!

শ্রীমতী

কে মারলে?

পাটলী

দেবদত্তের শিষ্যেরা।

রোদিনী

রক্তপাত তবে সুরু হ'ল। তাই যদি হলই তাহলে
আমাদের হাতেও অস্ত্র আছে। এ পাপ সহিব না। এযে
প্রভুর সজ্জকে মারলে। শ্রীমতী ক্ষমা চলবে না, অস্ত্র ধরো!

শ্রীমতী

লোভ দেখিয়োনা রোদিনী। আমি নটী, তোমার ঐ
তলোয়ার দেখে আমার এই নাচের হাতও চঞ্চল হয়ে
উঠল।

পাটলী

তাহলে এই নও। (তরবারী দান)

শ্রীমতী

(শিহরিয়া হাত হইতে তলোয়ার পড়িয়া গেল) না, না
প্রভুর কাছ থেকে অস্ত্র পেয়েছি। চলচে আমার যুদ্ধ, মাদ
পরাস্ত হোক্, প্রভুর জয় হোক্।

পাটলী

চল্ রোদিনী, ভগবতীর দেহ বহন করে নিয়ে যেতে হবে
শুশানে। (উভয়ের প্রস্থান)

রত্নাবলী কয়েকজন রক্ষিণী সহ প্রবেশ।

রত্নাবলী

এই যে এখানেই আছে। ওকে রাজ্যদেশ গুনিয়ো
দাও।

রক্ষিণী

মহারাজের আদেশ এই যে, তুমি নটী তোমাকে অশোক-
বনে নাচতে যেতে হবে।

শ্রীমতী

নাচ ! আজ !

মালতী

তোমরা এ কী কথা বলচ গো মহারাজের ভয় হোলো না
এমন আদেশ করতে ?

রত্নাবলী

ভয় হবারই ত কথা। সেই দিনই ত এসেচে। তাঁর
নটীদাসীকেও ভয় করবেন রাজেশ্বর ! গ্রামা বর্কর !

শ্রীমতী

কখন নাচ হবে ?

রত্নাবলী

আজ আরতির বেলায়।

শ্রীমতী

প্রভুর আসন বেদীর সামনে ?

রত্নাবলী

হাঁ।

শ্রীমতী

তবে তাই হোক !

তৃতীয় অঙ্ক

রাজোদ্যান

শ্রীমর্তা ও মালতী

মালতী

দিদি, শাস্তি পাচ্চিনে।

শ্রীমর্তী

কী হয়েছে ?

মালতী

তোমাকে যখন ওরা নাচের সাজ করাতে নিয়ে গেল
আমি চুপি চুপি এ প্রাচীরের কাছে গিয়ে রাস্তার দিকে চেয়ে
দেখলেম। দেখি ভিক্ষুণী উৎপলপর্ণার মৃতদেহ নিয়ে চলেচে
আর,—

শ্রীমর্তী

থামলে কেন ? বালা।

মালতী

রাগ করবেনা দিদি ? আমি বড় দুর্বল !

শ্রীমর্তী

কিছুতে না।

মালতী

দেখলেম অন্ত্যেষ্টি মন্ত্র পড়তে পড়তে শবদেহের সঙ্গে
সঙ্গে যাচ্ছিলেন।

শ্রীমতী

কে যাচ্ছিলেন ?

মালতী

দূর থেকে মনে হল যেন তিনি ।

শ্রীমতী

অসম্ভব নেই ।

মালতী

পণ করেছিলাম, মুক্তি যতদিন না পাই তাঁকে দূর থেকেও দেখব না ।

শ্রীমতী

রক্ষা করিস্ সেই পণ । সমুদ্রের দিকে অনিমেষ তাকিয়ে থাকলেই তো পার দেখা যায় না । ছরাশায় মনকে প্রশ্রয় দিস্নে ।

মালতী

তাঁকে দেখবার আশায় মনকে আকুল করচি মনে কোরো না । ভয় হচ্ছে ওঁকে তা'রা মারবে । তাই কাছে থাকতে চাই । পণ রাখতে পারচিনে বলে আমাকে অবজ্ঞা করোনা দিদি ।

শ্রীমতী

আমি কি তোর ব্যথা বুঝিনে ?

মালতী

তাঁকে বাঁচাতে পারব না কিন্তু মরতে তো পারব । আর পারলুম না দিদি, এবারকার মতো সব ভেঙে গেল । এ জীবনে হবে না মুক্তি ।

শ্রীমতী

যাঁর কাছে বাচ্চিস তিনীই তোকে মুক্তি দিতে পারবেন।
কেননা তিনি মুক্ত। তোর কথা শুনে আজ একটা কথা
বুঝতে পারলুম।

মালতী

কী বুঝলে দিদি !

শ্রীমতী

এখনো আমার মনের মধ্যে পুবাণো ক্ষত চাপা আছে সে
আবার ব্যথিয়ে উঠল। বন্ধনকে বাইরে থেকে যতই তাড়া
করেচি ততই সে ভিতরে গিয়ে লুকিয়েচে।

মালতী

রাজবাড়িতে তোমার মতো একলা মানুষ আর কেউ নেই
তাই তোমাকে ছেড়ে যেতে বড় কষ্ট পাচ্ছি। কিন্তু যেতে
হ'ল। যখন সময় পাবে আমার জন্মের ক্ষমার মন্ত্র পোড়ো।

শ্রীমতী

“বুদ্ধো যো খলিতো দোসো.

বুদ্ধো খমতুতং মম।”

মালতী

(প্রণাম করিতে করিতে) “বুদ্ধো খমতু তং মম।”
যাবার মুখে একটা গান শুনিয়ে দাও। কিন্তু তোমার ঐ
মুক্তির গানে আজ একটুও মন দিতে পারব না। একটা
পথের গান গাও।

শ্রীমতীর গান

পথে যেতে ডেকেছিলে মোরে।
 পিড়িয়ে পড়েছি আমি যাব যে কী করে।
 এসেছে নিবিড় নিশি,
 পথরেখা গেছে মিশি',
 সাড়া দাও, সাড়া দাও, আশারের ঘোরে।
 ভয় হয় পাছে ঘুরে ঘুরে
 যত আমি যাই তত যাই চলে দূরে।
 মনে করি আছো কাছে
 তবু ভয় হয় পাছে
 আমি আছি তুমি নাই কালিনিশি ভোরে।

মালতী

শোনো দিদি, আবার গজ্জন! দয়া নেই, কারো দয়া
 নেই! অনন্ত কারুনিক বৃদ্ধ তো এই পৃথিবীতেই পা দিয়ে-
 চেন তবু এখানে নরকের শিখা নিবল না! আর দেবি
 করতে পারিনে। প্রণাম, দিদি! মুক্তি যখন পাবে আমাকে
 একবার ডাক দিয়ো, একবার শেষ চেষ্টা ক'রে দেখো।

শ্রীমতী

চল, তোকে প্রাচীরদ্বার পর্যন্ত পৌঁছিয়ে দিয়ে আসিগে।

(উভয়ের প্রস্থান)

রত্নাবলী ও মল্লিকার প্রবেশ।

রত্নাবলী

দেবদত্তের শিয়েরা ভিক্ষুণীকে মেরেচে! তা নিয়ে

এত ভাবনা কিসের? ওতো ছিল সেই ক্ষেত্রপালের
মেয়ে।

মল্লিকা

কিন্তু আজ যে ও ভিক্ষুণী।

রত্নাবলী

মস্ত পড়ে কি রক্ত বদল হয়?

মল্লিকা

আজকাল তো দেখছি মস্তের বদল রক্তের বদলের চেয়ে
চর বড়ো।

রত্নাবলী

রেখে দে ওসব কথা! প্রজাবা উত্তেজিত হয়েছে বলে
বাজাব ভাবনা! এ আমি সহিতে পারিনে। তোমার ভিক্ষু-
ধর্ম রাজধর্মকে নষ্ট করচে।

মল্লিকা

উত্তেজনার আরো একটু কারণ আছে। মহারাজ বিন্ধি-
সার পূজার জন্ত যাত্রা করে বেরিয়েছেন কিন্তু এখনো পৌছননি
প্রজারা সন্দেহ করচে।

রত্নাবলী

কানাকানি চলতে আমিও শুনেচি। ব্যাপারটা ভালো
নয় তা মানি। কিন্তু কর্মফলের গুণ্ডি হাতে হাতে দেখা
গেল।

মল্লিকা

কী কর্মফল দেখলে?

রত্নাবলী

মহারাজ বিম্বিসার পিতার বৈদিক ধর্মকে বিনাশ করে-
ছেন। সে কি পিতৃহত্যার চেয়ে বেশি নয়? ব্রাহ্মণরা তো
তখন থেকেই বল্চে, যে যজ্ঞের আগুণ উনি নিবিয়েছেন সেই
কুশিত আগুণ একদিন ওঁকে খাবে।

মল্লিকা

চুপ্ চুপ্ আস্তে। জানো তো, অভিশাপের ভয়ে উনি
কী রকম অবসন্ন হয়ে পড়েছেন!

রত্নাবলী

কার অভিশাপ?

মল্লিকা

বুদ্ধের। মনে মনে মহারাজ ওঁকে ভারি ভয় করেন।

রত্নাবলী

বুদ্ধতো কাউকে অভিশাপ দেন না। অভিশাপ দিতে
জানে দেবদত্ত।

মল্লিকা

তাই তার এত মান। দয়ালু দেবতাকে মানুষ
মুখের কথায় ফাঁকি দেয়, হিংসালু দেবতাকে দেয় দামী
অর্ঘ্য।

রত্নাবলী

যে দেবতা হিংসা করতে জানে না, তাকে উপবাসী
খাকতে হয়, নখদন্তহীন বৃদ্ধ সিংহের মতো।

মল্লিকা

যাই হোক এই বোলে যাচ্ছি, আজ সন্ধ্যা বেলায় ঐ
‘অশোক চৈত্রে পূজা হবেই।

রত্নাবলী

তা হয় হোক কিন্তু নাচ তার আগেই হবে এও আমি
বলে দিচ্ছি।

(মল্লিকার প্রস্থান)

বাসবীর প্রবেশ

বাসবী

প্রস্তুত হয়ে এলেম।

রত্নাবলী

কিসের জন্তে ?

বাসবী

শোধ তুলব বলে। অনেক লজ্জা দিয়েছে ঐ নটী।

রত্নাবলী

উপদেশ দিয়ে ?

বাসবী

না, ভক্তি করিয়ে।

রত্নাবলী

তাই ছুরি হাতে এসেচ ?

বাসবী

সে জন্তে না। রাষ্ট্র বিপ্লবের আশঙ্কা ঘটেচে। বিপদে
পড়ি তো নিরস্ত্র মরব না।

রত্নাবলী

নটীর উপর শোধ তুলবে কী দিয়ে ?

বাসবী

(হার দেখাইয়া) এই হার দিয়ে ।

রত্নাবলী

তোমার হীরের হার !

বাসবী

বহুমূল্য অবমাননা, রাজকুলের উপযুক্ত । ও নাচবে
ওর গায়ে পুরস্কাব ছুঁড়ে ফেলে দেব ।

রত্নাবলী

ও যদি তিরস্কার করে ফিরে ফেলে দেয় তোমার গায়ে
যদি না নেয় !

বাসবী

(ছুরি দেখাইয়া) তখন এই আছে !

রত্নাবলী

শীঘ্র ডেকে আনো মহারাণী লোকেশ্বরীকে, তিনি খুব
আমোদ পাবেন ।

বাসবী

আসবার সময় খুঁজেছিলেম তাঁকে । গুন্ডলেম ঘরে দ্বার
দিয়ে আছেন । এ কি রাষ্ট্রবিপ্লবের ভয়ে না স্বামীর পরে
অভিমানে ? বোঝা গেল না ।

রত্নাবলী

কিন্তু আজ হবে নটীর নতিনাট্য, তাতে মহারাণীর
উপস্থিত থাক। চাই।

বাসবী

নটীর নতিনাট্য ! নামটি বেশ বানিয়েছ।

মল্লিকার প্রবেশ

মল্লিক।

বা মনে করেছিলেম তাই ঘটেচে। রাজ্যে যেখানে যত
বুদ্ধের শিষ্য আছে মহারাজ অজাতশত্রু সবাইকে ডাকতে
দ্রুত পাঠিয়েচেন। এমনি করে গ্রহপূজা চল্চেই, কখনো বা
শনিগ্রহ কখনো বা রবিগ্রহ।

রত্নাবলী

ভালই হয়েছে। বুদ্ধের সব ক'টি শিষ্যকেই দেবদত্তের
শিষ্যদের হাতে একসঙ্গে সমর্পণ ক'রে দিন্। তাতে সময়
সংক্ষেপ হবে।

মল্লিক।

সে জন্তে নয়। ওরা রাজার হয়ে অহোরাত্র পাপমোচন
মন্ত্র পড়তে আস্চে। মহারাজ একেবারে অভিভূত হয়ে
পড়েচেন।

বাসবী

তাতে কী হয়েছে ?

মল্লিক।

কী আশ্চর্য্য ! এখনো জনশ্রুতি তোমার কানে

পৌড়ায়নি ! সবাই অনুমান করচে, পথের মধ্যে ওরা
বিস্মিসার মহারাজকে হত্যা করেছে।

বাসবী

সর্বনাশ ! এ কখনো সত্য হতেই পারে না !

মল্লিকা

কিন্তু এটা সত্য যে, মহারাজকে যেন আগুনের জ্বাল
ধরিয়ে দিয়েছে। তিনি কোন্ একটা অনুশোচনায় ছটফট
করে বেড়াচ্ছেন।

বাসবী

হায়, হায়, এ কী সংবাদ !

রত্নাবলী

লোকেশ্বরী মহারানী কি শুনেচেন ?

মল্লিকা

অপ্রিয় সংবাদ তাঁকে যে শোনাবে তাকে তিনি ছ'খান
করে ফেলবেন। কেউ সাহস পাচ্ছে না।

বাসবী

সর্বনাশ হ'ল। এত বড়ো পাপের আঘাত থেকে রাজ-
বাড়ীর কেউ বাঁচবে না। ধর্মকে নিয়ে যা খুসি করতে গেলে
কি সহ্য হয় ?

রত্নাবলী

ঐ রে ! বাসবী আবার দেখ্‌চি নটীর চেলা হবার দিকে
ঝুঁকচে। ভয়ের তাজা খেলেই ধর্মের মূর্ত্তার পিছনে মানুষ
লুকোতে চেষ্টা করে।

বাসবী

কখনো না। আমি কিছু ভয় করিনে। ভদ্রাকে এই
খবরটা দিয়ে আসিগে।

রত্নাবলী

মিথ্যা ছুতো করে পালিয়ে না। ভয় তুমি পেয়েচ।
তোমাদের এই অবসাদ দেখলে আমার বড়ো লজ্জা হবে।
এ কেবল নীচ সংসর্গের ফল।

বাসবী

অন্যায় বলচ তুমি, আমি কিছুই ভয় করিনে।

রত্নাবলী

আচ্ছা তাহলে অশোক বনে নাচ দেখতে চলো।

বাসবী

কেন যাব না! তুমি ভাবচ আমাকে জোর করে নিয়ে
যাচ্চ?

রত্নাবলী

আর দেবী নয়, মল্লিকা, শ্রীমতীকে এখনি ডাকো, সাজ
হোক বা না হোক। রাজকন্যারা যদি না আসতে চায়
রাজকিন্ধরীদের সবাইকে চাই নইলে কোতুক অসম্পূর্ণ
থাকবে।

বাসবী

ঐ যে শ্রীমতী আসচে। দেখ, দেখ, যেন চল্চে স্বপ্নে।
যেন মধ্যাহ্নের দীপ্ত মরীচিকা, ওর মধ্যে ও যেন একটুও
নেই!

(ধীরে ধীরে শ্রীমতীর প্রবেশ ও গান)

হে মহাজীবন, হে মহামরণ,
লইলু শরণ, লইলু শরণ ।
আঁধার প্রদীপে জ্বালাও শিখা,
পরাও, পরাও জ্যোতির টীকা,
করো হে আমার লজ্জাহরণ ।

রত্নাবলী

এই দিকে পথ । আমাদের কথা কি কানে পৌঁচছে ন ?
এই যে এই দিকে ।

গান

পরশ রতন তোমারি চরণ,
লইলু শরণ, লইলু শরণ,
যা-কিছু মলিন, যা কিছু কালো,
যা-কিছু বিরূপ হোক তা ভালো,
ঘুচাও ঘুচাও সব আবরণ ॥

রত্নাবলী

বাসবী, দাঁড়িয়ে রইলে কেন ? চলো ।

বাসবী

না, আমি যাবো না ।

রত্নাবলী

কেন যাবে না ?

বাসবী

তবে সত্যকথা বলি । আমি পারব না ।

নটীর পূজা

রত্নাবলী

ভয় করচে ?

বাসবী

হঁা ভয় করচে ।

রত্নাবলী

ভয় করতে লজ্জা করচে না ?

বাসবী

একটু মাত্রও না । শ্রীমতী সেই ক্ষমার মন্তুটা ।

শ্রীমতী

উত্তমঙ্গেন বন্দেহং পাদপংসু বরুত্তমং

বুদ্ধো যো খলিতো দোসো বুদ্ধো খমতু তং মম ।

বাসবী

‘বুদ্ধো খমতু তং মম, বুদ্ধো খমতু ত মম,

বুদ্ধো খমতু তং মম ।

শ্রীমতীর গান

হার মানালে, ভাঙিলে অভিমান ।

ক্ষীণ হাতে জ্বালা

গ্লান দীপের থালা

হ’ল খান্ খান্ ।

এবার তবে জ্বালো

আপন তারার আলো,

রঙীন ছায়ার এই গোধূলি হোক অবসান ॥

এসো পাবের সাথী ।
বইল পথেব ছাওয়া, নিবল ঘরের বাতি ।
আজি বিজন বাটে,
অন্ধকারের ঘাটে
সক-হারানো নাটে
এনেছি এই গান ॥
সকলের প্রস্থান ।

চতুর্থ অঙ্ক

অশোকতল । ভাঙা স্তূপ

ভগ্নপ্রায় আসন বেদী ।

রত্নাবলী । রাজকিঙ্করীগণ । একদল রক্ষিণী ।

১ রাজকিঙ্করী

রাজকুমারী, আমাদের প্রাসাদের কাজে বিলম্ব হচ্ছে ।

রত্নাবলী

আব একটু অপেক্ষা করো । মহারানী লোকেশ্বরী দয়
এসে দেখতে চান । তিনি না এলে নাচ আরম্ভ হতে পারে
না ।

২ রাজকিঙ্করী

আপনার আদেশে এসেছি । কিন্তু অধর্মের ভয়ে মন
ব্যাকুল ।

৩ রাজকিঙ্করী

এইখানেই প্রভুকে পূজা দিয়েছি, আজ এখানেই নগ্ন
নাচ দেখা ! ছি ছি ! কেমন করে এ পাপের ফালন হবে ?

৪ রাজকিঙ্করী

এত বড় বীভৎস ব্যাপার এখানে হবে জান্তেম না :
থাকতে পারব না, আমরা কিছুতে না !

রত্নাবলী

মন্দভাগিনী তোরা, শুনিম্ নি, বৃদ্ধের পূজা এ রাজ্যে
নিষিদ্ধ হয়েছে।

৪ রাজকিঙ্করী

রাজাকে অমান্য করা আমাদের সাধ্য নেই। ভগবানের
পূজা নাই করলেম কিন্তু তাই বলে তাঁর অপমান করতে
পারিনে।

১ম রাজকিঙ্করী

রাজবাড়ির নটীর নাচ রাজকন্যা রাজবধূদেরই জন্তে। এ
সভায় আমাদের কেন? চলো, তোমরা, আমাদের যেখানে
স্থান সেখানে যাই।

রত্নাবলী

(রক্ষিণীদের প্রতি) যেতে দিয়োনা ওদের। এইবার
শীঘ্র নটীকে ডেকে নিয়ে এসো।

১ম কিঙ্করী

রাজকুমারী এ পাপ নটীকে স্পর্শ করবে না। এ পাপ
তোমারই।

রত্নাবলী

তোরা ভাবিস তোদের নতুন ধর্মের নতুন গড়া পাপকে
আমি গ্রাহ্য করি।

২য় কিঙ্করী

মানুষের ভক্তিকে অপমান করা এ তো চিরকালের
পাপ।

রত্নাবলী

এই নটীসাক্ষীর হাওয়া তোমাদের সবাইকে লাগলো
দেখচি। আমাকে পাপের ভয় দেখিয়ে না, আমি শিশু
নই।

রক্ষিণী

(১ কিস্করীর প্রতি) বসুমতি, আমরা শ্রীমতীকে ভক্তি
করেচি। কিন্তু ভুল করেচি তো। সে তো নাচতে বাজি
হোল!

রত্নাবলী

বাজি হবে না ; রাজাব আদেশকে ভয় করবে না ?

রক্ষিণী

ভয় তো আমবাই করি, কিন্তু—

রত্নাবলী

নটীর পদ কি তোমাদেরও উপবে ?

১ম কিস্করী

আমরা তো ওকে নটী বলে আর ভাবতুম না। আমবা
ওব মধ্যে স্বর্গের আলো দেখেচি।

রত্নাবলী

নটী স্বর্গে গিয়েও নাচে তা জার্নান্সনে !

রক্ষিণী

শ্রীমতীকে পাছে রাজার আদেশে আঘাত কবতে হয়
এই ভয় ছিল কিন্তু আজ মনে হচ্ছে রাজার আদেশের অপেক্ষা
করার দরকার নেই।

১ম কিস্করী

ও পাপীয়সীর কথা থাক্ ! কিন্তু এই পাপদৃষ্টে হুই
চোথেকে কলঙ্কিত করলে আমাদের গতি হবে কী ?

রত্নাবলী

এখনো নটীর সাজ শেষ হল না ! দেখ্চ তো তোমাদের
নটীসাক্ষীর সাজের আনন্দ কত !

১ম কিস্করী

ঐ যে এল ! ঈস্, দেখেচিস্ বল্‌মল্ করচে !

২য় কিস্করী

পাপ দেহে একশো বাতির আলো জ্বালিয়েচে !

শ্রীমতীর প্রবেশ ।

১ম কিস্করী

পাপিষ্ঠা, শ্রীমতী ! ভগবানের আসনের সম্মুখে, নির্লজ্জ,
তুই আজ নাচবি ! তোর জুখানা পা শুকিয়ে কাঠ হয়ে
গেলোনা এখনো ?

শ্রীমতী

উপায় নেই, আদেশ আছে ।

২' রাজকিস্করী

নরকে গিয়ে শত লক্ষ বৎসর ধরে জলন্ত অঙ্গারের উপরে
তাকে দিনরাত নাচতে হবে এ আমি বলে দিলেম ।

৩ রাজকিস্করী

দেখো একবার । পাতকিনী আপাদমস্তক অলঙ্কার
পরেচে । প্রত্যেক অলঙ্কারটি আগুনের বেড়ী হয়ে তোর

চাড়ে মাংসে জড়িয়ে থাকবে, তোর নাড়ীতে নাড়ীতে জ্বালার
স্রোত বইয়ে দেবে, তা জানিস্ ?

মল্লিকার প্রবেশ

মল্লিকা

(জনান্তিকে, রত্নাবলীকে)

রাজ্যে বুদ্ধপূজার যে-নিষেধ প্রচার হয়েছিল সে আবার
ফিরিয়ে নেওয়া হয়েছে। পথে পথে ছন্দুভি বাজিয়ে তাই
ঘোষণা চলছে। হয় তো এখনি এখানেও আসবে তাই সংবাদ
দিয়ে গেলেম। আরো একটি সংবাদ আছে। আজ মহা-
রাজ অজাতশত্রু স্বয়ং এখানে এসে পূজা করবেন তাব জন্তে
প্রস্তুত হচ্ছেন।

রত্নাবলী

একবার দৌড়ে যাও তাহলে মল্লিকা— শীঘ্র মহারানী
লোকেশ্বরীকে ডেকে নিয়ে এসো।

মল্লিকা

ঐ যে তিনি আসছেন !

লোকেশ্বরীর প্রবেশ

রত্নাবলী

মহারানী, এই আপনার আসন।

লোকেশ্বরী

খামো। শ্রীমতীর সঙ্গে নিভূতে আমার কথা আছে।
(শ্রীমতীকে জনান্তিকে ডাকিয়া লইয়া) শ্রীমতী !

শ্রীমতী

কী মহারাণী !

লোকেশ্বরী

এই লও, তোমার জন্তে এনেছি।

শ্রীমতী

কী এনেচেন ?

লোকেশ্বরী

অমৃত।

শ্রীমতী

বৃষতে পারচিনে।

লোকেশ্বরী

বিষ। খেয়ে মরো, পরিত্রাণ পাবে।

শ্রীমতী

পরিত্রাণের আর উপায় নেই ভাবচেন ?

লোকেশ্বরী

না। রত্নাবলী আগেই গিয়ে রাজার কাছ থেকে তোমার
জন্তে নাচের আদেশ আনিয়েছে। সে আদেশ কিছুতেই
কিরবে না জানি।

রত্নাবলী

মহারাণী, আর সময় নেই, নৃত্য আরম্ভ হোক।

লোকেশ্বরী

এই নে, শীঘ্র খেয়ে ফেল্। এখানে ম'লে স্বর্গ পাবি,
এখানে নাচলে যাবি অবীচি নরকে।

শ্রীমতী

সর্বাগ্রে আদেশ পালন করে নিই।

লোকেশ্বরী

নাচবি ?

শ্রীমতী

হাঁ নাচব।

লোকেশ্বরী

ভয় নেই তোর ?

শ্রীমতী

না, কিছু না।

লোকেশ্বরী

তবে তোমাকে কেউ উদ্ধার করতে পারবে না।

শ্রীমতী

যিনি উদ্ধারকর্তা তিনি ছাড়া।

রত্নাবলী

মহাবাগী, আর এক মুহূর্ত দেরী চলবে না। বাইরে
গোলমাল শুনচ না ? হয়ত বিদ্রোহীরা এখনি রাজোচ্চ'নে
চুকে পড়বে। নটী, নাচ শুরু হোক।

গান ও নাচ

আমায় ক্ষমোহে ক্ষমো, নমোহে নমঃ,

তোমায় স্মরি, হে নিরুপম,

নৃত্যরসে চিন্ত মম

উছল হয়ে বাজে ॥

আমার সকল দেহেব আকুল রবে
মন্ত্ৰহারা তোমার স্তবে
ডাহিনে বামে ছন্দ নামে
নব জনমের মাঝে ।

তোমার বন্দনা মোর ভঙ্গীতে আজ
সঙ্গীতে বিরাজে ॥

রত্নাবলী

এ কী রকম নাচ ? এতো নাচের ভাণ । আব এই
গানের অর্থ কী ?

লোকেশ্বরী

না না বাধা দিয়োনা ।

গান ও নাচ

এ কি পরম ব্যথায় পরাণ কাঁপায়
কাঁপন বক্ষে লাগে ।
শাস্তি সাগরে ঢেউ খেলে যায়
সুন্দর তায় জাগে ।

আমার সব চেতনা সব বেদনা
বহিল এ যে কী আরাধনা,
তোমার পায়ে মোর সাধনা
মরে না যেন লাজে ।

তোমার বন্দনা মোর ভঙ্গীতে আজ
সঙ্গীতে বিরাজে ॥

রত্নাবলী

এ কী হচ্ছে ? গয়নাগুলো একে একে তালে তালে ঐ স্তূপের আবর্জনার মধ্যে কেলে দিচ্ছে। ঐ গেল কঙ্কণ, ঐ গেল কেয়র, ঐ গেল হার। মহারাণী দেখছেন এ সমস্ত রাজ-বাড়ির অলঙ্কার—এ কী অপমান ! শ্রীমতী, এ আমার নিজের গায়ের অলঙ্কার। কুড়িয়ে নিয়ে এসে মাথায় ঠেকাও, যাও এখনি।

লোকেশ্বরী

শান্ত হও, শান্ত হও। ওর দোষ নেই, এমনি করে আভরণ ফেলে দেওয়া, এই নাচের এতোই অঙ্গ। আনন্দে আমরা শরীর ছলে উঠচে। (গলা হইতে হার খুলিয়া ফেলিয়া) শ্রীমতী, থোমোনা, থোমোনা।

গান ও নাচ

আমি কানন হ'তে তুলিনি ফুল,
মেলেনি মোরে ফল।

কলস মম শূন্য সম
ভরিনি তীর্থজল।

আমার তনু তনুতে বাঁধনহারা
হৃদয় ঢালে অধরা ধারা,
তোমার চরণে হোক তা সারা

পূজার পুণ্য কাজে।

তোমার বন্দনা মোর ভঙ্গীতে আজ
সঙ্গীতে বিরাজে ॥

বজ্রাবলী

এ কী রকম নাচের বিড়ম্বনা ! নটীর বেশ একে একে
ফেলে দিলে । দেখ্‌চ ত মহারানী, ভিতরে ভিক্ষুণীর পীতবস্ত্র !
এ'কেই কি পূজা বলেনা ? রক্ষিণী তোমরা দেখ্‌চ । মহারাজ
কী দণ্ড বিধান কবেচেন মনে নেই ?

রক্ষিণী

শ্রীমতী ত পূজার মন্ত্ৰ পড়েনি ।

শ্রীমতী

জানু পাতিয়া

বন্ধ সৰণং গচ্ছামি—

রক্ষিণী

(শ্রীমতীর মুখে হাত দিয়া) থাম্ থাম্ হুঃসাহসিকা,
এখনো থাম্ ।

বজ্রাবলী

বাজাব আদেশ পালন করো ।

শ্রীমতী

বন্ধঃ সৰণং গচ্ছামি, ধন্যঃ সৰণং গচ্ছামি—

কিঙ্করীগণ

সৰ্বনাশ করিস্নে শ্রীমতী, থাম্ থাম্ !

রক্ষিণী

যাস্নে মরণের মুখে, উন্মত্তা !

২ রক্ষিণী

আমি করছোড়ে মিনতি করচি আমাদের উপর দয়া কবে
ক্ষান্ত হ।

কিঙ্করীগণ

চক্ষে দেখতে পারব না, দেখতে পারব না, পালাই
আমরা। (পলায়ন)

বদ্বাবলী

রাজার আদেশ পালন করো।

শ্রীমতী

বুদ্ধঃ সরণং গচ্ছামি ধম্মং সরণং গচ্ছামি সত্ত্বং সরণং গচ্ছামি ।

লোকেশ্বরী (জাহ্নু পাতিয়া সঙ্গে সঙ্গে)

বুদ্ধঃ সরণং গচ্ছামি, ধম্মং সরণং গচ্ছামি, সত্ত্বং সরণং গচ্ছামি ।

(রক্ষিণী শ্রীমতীকে অস্ত্রাঘাত করিতেই সে

আসনের উপর পড়িয়া গেল)

ক্ষমা করো, ক্ষমা করো, বলিতে বলিতে বলিতে রক্ষিণীর
একে একে শ্রীমতীর পায়ের ধূলা লইল)

লোকেশ্বরী

(শ্রীমতীর মাথা কোলে লইয়া) নটী তোর এই ভিক্ষুণীর
বস্ত্র আমাকে দিয়ে গেলি। (বসনের একপ্রান্ত মাথায়
ঠেকাইয়া) এ আমার।

(রদ্বাবলী ধূলিতে বসিয়া পড়িল)

মল্লিকা

কী ভাবচ ?

রত্নাবলী

(বস্ত্রাঞ্চলে মুখ আচ্ছন্ন করিয়া) এইবার আমার ভয় হচ্ছে।

প্রতিহারিণীর প্রবেশ

মহারাজ অজাতশত্রু ভগবানের পূজা নিয়ে কাননদ্বারে
অপেক্ষা করছেন দেবীদের সম্মতি চান।

মল্লিকা

চলো, আমি মহারাজকে দেবীদের সম্মতি জানিয়ে
আসিগে। (মল্লিকার প্রস্থান)

লোকেশ্বরী

বলো তোমরা সবাই, বুদ্ধং সরণং গচ্ছামি।

রত্নাবলী ব্যতীত সকলে

বুদ্ধং সরণং গচ্ছামি।

লোকেশ্বরী

ধর্মং সরণং গচ্ছামি।

রত্নাবলী ব্যতীত সকলে

ধর্মং সরণং গচ্ছামি।

লোকেশ্বরী

সজ্জং সরণং গচ্ছামি।

রত্নাবলী ব্যতীত সকলে

সজ্জং সরণং গচ্ছামি।

রত্নাবলী ব্যতীত সকলে

নখি মে সরণং অঞ্ঞং বুদ্ধো মে সরণং বরং।

এতেন সচ্চ বজ্জেন হোতু মে জয়মঙ্গলং ॥

মল্লিকার প্রবেশ

মল্লিকা

মহারাজ, এলেন না, ফিরে গেলেন।

লোকেশ্বরী

কেন ?

মল্লিকা

সংবাদ শুনে তিনি ভয়ে কম্পিত হয়ে উঠলেন।

লোকেশ্বরী

কাকে তাঁর ভয় ?

মল্লিকা

ঐ হতপ্রাণ নটীকে।

লোকেশ্বরী

চলো পালঙ্ক নিয়ে আসি। এর দেহকে সকলে বহন করে
নিয়ে যেতে হবে। (রত্নাবলী ছাড়া সকলের প্রস্থান)

রত্নাবলী

(শ্রীমতীর পাদস্পর্শ করিয়া প্রণাম ও জাহ্নু পাতিয়া বসিয়া)
বুদ্ধং সরণং গচ্ছামি, ধর্ম্যং সরণং গচ্ছামি, সজ্জং সরণং গচ্ছামি।
